







J. A. S.

DE ABVS V LINGVAE

Græcæ, in quibusdam vocibus
quas Latina usurpat, AD MONI-
TIO Henrici Stephani.

EIVSDEM TETRASTICHON.

Qui non Græcus erat, vocatus barbartis olim:
At quæ Græca prius, barbara facta queror.
Huic Graiūm manes grates agitote libello!
Barbaries eius nanque fugatur ope.



ANNO M. D. LXXIII,

Excudebat Henricus Stephanus.



579



Ob. b. II: 3438

H E N R . S T E P H A N V S
lectori φιλέλλων.

DV M Q V A E D A M de Latinæ linguaæ abusu commétarer , voces non nullas à Græcis quidem oriundas, sed à Romanis ciuitate donatas , in earum numero inueni de quibus agendum mihi erat. Postea verò quum typographicæ occupationes cursus illius operis interrupissent , cōtigit ne scio quomodo ut ἐργον mihi esset quod futurum erat πάρεργον. Placuit enim interrealoci de vocum illarum simûlque aliarum quarundam abusu , dum memoriæ hærebant; aliquid διπλοχειρίαζεν. Quo labore mirum ni à doctissimis etiam quibusdam viris gratiam ineam, quod in iis quos patefaciā erroribus nonnulli sint quos à se quoque committi si quis eorū negauerit , eum suis ipsius scriptis conuictum dabo, & tanquam suo sibi gladio iugulabo. Nec tā mirabor tamen illud (quoniam hoc potissimum seculo verū esse experimur Catullianū illud , *Omnia sunt ingrata: nihil fecisse benignè est*) quām miror iamnūc , tam politum seculum tam horridam barbariem in quibusdam vocabulis retinuisse. Nā ad superioris seculi homines quod attinet , nihil magis in illis tales errores mirari oportet,

Quām tumidum gutturm iramur in Altibus, aut quām

In Meroë crassō maiore infante mamillā.

Tunc enim cautela regulæ Bartolicæ regnabat, *Græcū est, non legitur*. Ideoque vox *presbyter* Græciæ origine suam debere nō dicebatur, sed eius etymō erat, *præbēs suis iter*. Siue, vt alii iocose παρεπυμολογουῶτες dicebant, *bibens præ aliis ter*. Vnde quidam in libello qui Anima fidelis inscribitur, querens de corruptela morū quæ tūc tēporis erat in presbyteris, *Ah periit (inquit) hodie nobilis illa interpretatio, Presbyter, quasi Præbens iter. Et rectius potest interpretari, Bibens præ aliis ter*. Siquādo verò aliquid Græcismi aut Græcitatis (vt loquebantur) subodorari poterat, tum verò dignam se etymologiā comminiscabantur. vt, *Diabolus, ex Dia, id est duo: & Bolus, id est morcellus. quod diabolus duos morcellos de homine faciat: unū de corpore, & alterū de anima*. Talia, inquā, nō est quod miremur: nisi in mediis tenebris lucē quærēdā esse putemus. Nunc verò postquā illæ pulsæ fuerūt, mirū est reperiri qui prælūcentē sibi grāmaticē, & ipsum quoq; vsum, loquendi magistrū, cōtemnant, & se ὑπὲρ τὸ σημαντύτα πηδᾶν nō videāt. Huius autē rei testis locupletissimus erit hic libellus. Vale.



A D M O N I T I O

D E A B V S V L I N-
G V AE G R AE C AE,
in quibusdā vocabulis quæ
Latina usurpat.

Autore Henrico Stephano.

*Dè Græcis quibusdam nominibus in quo-
rum genere peccatur. CAP. I.*

STYMBOLVM & *Symbola conferre*, dicere solent eorum etiam plerique qui minimè in ordinem ita cogendi sunt ut in vulgo numerentur: quum tamē dicendum sit, *symbolam conferre*, & *symbolas*. Hoc enim fœminino, non illo neutro, vñ si compriuntur qui nobis supersunt Latini comicī, Plautus & Terentius, si fides veracibus exemplaribus habeatur. Et meritò certē. huius enim fœminini hac in significatione frēquēs est vñs cū aliis scriptoribus Græcis, tū verò comicis, apud Athenæū: at illius quod neutrū est, nullus. Eubulus OEdipode,

a. i.

2 H E N R . S T E P H . A D M .

Οσης δι' θητί δεῖπνου ή φίλον τιν' ή ξένον
Καλέσας, ἐπὶ τα συμβολὰς ἐπερχόμενος,
Φυγάς γένοιτο, μηδὲν οἴκοιον λαβάνων.

Elegantes verò sunt & hi duo qui proximè
præcedunt ibidem iambici: ex quibus etiam
apertior illorum sensus esse potest.

Ο πεῶτος δέρψων πελλότερα δεῖπνεῦν αὐγήρ,
Δημοπικὸς λύτρος, ὡς ἔοικε, τοις ξόποις.

Quos quinque versus Græcos istis Latinis
quinque non malè reddi posse arbitror pe-
nè ad verbum:& quidem retinendo vocem
Græcam συμβολας, de qua nunc agitur, sed
Latinis eam literis scribendo:

*Aliena qui cœnare primus repperit,
Mente populari præditus, opinor, fuit.
At qui vocatos ad suam cœnam hospites
Aliosve amicos symbolas poposcerit,
Sit ille profugus, efferens domo nihil.*

Vt autem Græcis comicis , sic & Latinis, in
palliatis præsertim comœdiis vocem hanc
placuisse videmus. Plautus Sticho,

*-eò condixi in symbolam
Ad cœnā, ac eius conseruū Sagarinū Syrū.
Et tribus versibus interiectis,
Iam hercle ego per hortum amicam trāst-
bo meam,
Mi hanc occupatum noctem: eadē symbolā
Dabo, & iubebō ad Sagarinū cœnā coqui.*

DE ABVS VLING. GR. 3

Mirum est autem , in editionibus typographicis prioribus,vno quidem in loco *symbolam*,at in altero *symbolum* scriptū esse:quum tam paruum sit inter hos interuallum, & de vna eadēmq; re,quinetiam ab vno eodēmque sermo habeatur.Quod nō aliunde cōtigisse puto quàm quòd posterior locus meliori sorte quàm prior , quēpiam ἀνδριοποτωτῶ latuerit, atq; ita audacē vel potius temerarium eius calatum effugerit. Sed alii non itidem talem calatum seu talem manum euaserunt: quorum è numero est hic,
in Curculione,

Symbolorū collatores apud forū piscatoriū.
Eædem enim editiones quas dixi nobis exhibere vocem *symbolū* pro *symbolam* in illo priore Stichi loco,hic itidem genitium *symbolorum* pro *symbolarum* exhibit. Sed in recentioribus editionibus audacia ἀνδριοποτῶσεу ἀνδριοποτῶν repressa fuit. Fellicius certè actum fuit cum quodam Epidici loco, vbi voci *symbolæ* eorum nemo manus attulit:

*Sine meo sumpta paratæ iam sunt scapulis
symbolæ.*

Fortassis autem ideo saluus & incolmis hic locus mansit, quòd non intelligeretur, & huius vocis alia planè hic quàm in locis illis

videretur esse significatio : quum tamen ad illā omnino alludat poeta, iocosa metaphora (more suo) vtens , & συμβολας vocet τας συμβαλλουσας ταληγας : tanquam videlicet verberō ille non vnius sed plurium manibus verbera esset accepturus: sicut συμβολαι non ab uno sed à pluribus penduntur. Lepidè etiam addit (vt discriminē inter has & illas ostendat) *Sine meo sumptu.* quod non animaduerterunt qui hęc verba nō sequentibus sed præcedentibus iunxerunt.

Apud Terentium verò serò tandem vox hæc integritati suæ restituta fuit : quum hæc lectio in editionibus plurimis, ex recentioribus quoque, visatur,

--*echo, quid Pamphilus? quid symbolum
Dedit, cœnauit.*

quum legendum esse constet *symbolam*, ex veterum etiam codicum autoritate , & nominatim Vaticanī. Hunc tamē potissimum locum errori originem præbuisse credibile est , quod hunc comicum multo plures terere solitos fuisse quam alterum sciamus. Hinc igitur manauit fortassis mendosum illud loquendi genus , *symbolum suum aliquam in rem conferre*. Adeò vt minimè dubium sit quin emendatè loquēs doctissimus linguae Græcae Budæus, à mendose loquen-

DE A B V S V L I N G. G.R. §
tibus reprehensus sit, in hoc loco priorum
Annotationum in Pandectas: *His Pandec-*
tis coagmētandis septem & triginta iuris-
consulti symbolas contulerunt: ex quorū ver-
bis Digestorum leges, velut centones, consar-
cinatae sunt. Evidem vel hic locus *symbo-*
lam & symbolas cum quoque in iis qui pro-
ducti fuerunt locis legisse testari posse vide-
tur. Non ignoro interim fuisse qui de hoc
apud Terentium errore admoniti, *symbolum*
de annulo posse intelligi dicerent. Et sa-
nè malam causam melius quam ita defendi
non posse existimo, idque propter locum
quendam Eunuchi: & quod *symbolum* pe-
culiariter etiam dictum de annulo fuisse ex
Plinio didicerimus. Sed Plauti locus cuius-
tergiuersationi occurrit: & ipsum quoq; Do-
natū in altera significatione accepisse (quæ
& conuenit loco, & statim lectori in men-
tem venit) in sequentibus docebo.

Auos tamen nostros ad hunc scopulum
offendisse minus mirum est, quam esse nūc
quoque multos qui ad eum offendant. Mu-
lto etiam magis mirandum est, Lexici illius
quod meum Thesaurum Græcæ linguæ
proximè præcessit, autoritate (si qua modò
esse debet vel potest innumerabilium pro-
pè mendaciorum conuicti Lexici autoritas)

6 H E N R . S T E P H . A D M .

errorem illum confirmari. In eo enim scriptum est; σύμβολον vel συμβολὴν , itidemque Latinè *symbolum* vel *symbolam*, esse collectam, συναγόγην, siue collectitiam cœnam. At in paucis hisce verbis multipliciter mentitur quicunque est illius libri autor. Primum enim falsum est, Græcè σύμβολον, falsum est item Latinè *symbolum* eundē usum habere quem συμβολὴν & *symbolam*. Deinde etiamsi hoc illi concederetur, cui persuaderibit, aut unde probabit, pro ipsa etiā cœna collatitia accipi συμβολὴν, vel *symbolam*? Scilicet τὸ ἀπὸ συμβολῶν δεῖπνον, huic Lexico fidem habentes, vocare poterimus συμβολὴν. Verum ut de nomine σύμβολον pergam dicere, quum meum Thesaurum excuderem, omnes quos vel memoria mihi suggerebat, vel in eius subsidium repositos habebam locos, excussi, nec ullum tamen eius significatio[n]is σύμβολον exemplū inueni. At in illo præclaro Lexico ea confirmatur loco Terentii,

symbolum Dedit, cœnauit.

quum *symbolam* eum ibi scripsisse, veteres codices testentur, vti dixi. Additur verò & aliud eiusdem poetæ locus in Eunucho,

*Heri aliquot adolescētuli coimus in Piræo,
In hunc diem ut de symbolis essemus.
Sed quomodo obsecro, fidem hic locus fa-*

cere potest, quum *symbolis* non minus à *symbola* quàm à *symbolum* esse possit? Ad Plautinum autem locū quod attinet (quem & ipsum attuli) nihil minus credendum est quàm poetam illum, postquā dixisset *symbolum*, statim eandem vocem in alio genere repetiuisse, dicentē *symbolam*: sed potius miraculo quodam factū esse ut vox quæ temerarii cuiuspiam correctoris oculos non fugisset in præcedentibus, eos fugeret in iis quæ sequebantur, & quidem minimo interuallo. Supereft Auli Gellii siue Agellii locus, qui tanquam firmissimum causæ præsidium, ibi affertur. Is enim libri sexti caput decimumtertium his verbis claudit, *Talia apud Taurum symbola, & alia, quæ erant secundarū mensarū, ut ipse dicere solitus erat, ξαγήματα.* Sed quod firmissimum præsidium prima frōte videri potest, valde infirmum esse apertè ostendam. Primum enim facilè *symbolæ* in *symbola* deprauari potuisse, sicut apud Plautum & Terétium, nemo negauerit: deinde *talia* posse retineri, etiam si *symbolæ* legamus, obscurum non est: faciam certè ut obscurum non sit. Illius enim capititis hoc est initium, *Factitatum obseruatūm quæ hoc Athenis est ab iis qui erant philosopho Tauro iunctiores.* Quum domū suam

*nos vocaret, ne omnino, ut dicitur, immunes
& à σύμβολοι veniremus, coniectabamus ad
cænulam non cupedias ciborum, sed argutias
quæstionū. Et paucissimis verbis interiectis,
Quærebantur autem nec grauia nec veren-
da, sed ἐνθυμήματα quædam lepida & mi-
nuta, & florentem vino animum laceffentia.
Postquam autem horum exempla propo-
suit, tandem verbis illis caput claudit, *Talia*
apud Taurum &c. Hæc enim quum ita sint,
non video quomodo quis negare queat *ta-*
lia referri posse vel potius debere ad illa quæ
quærebantur, ἐνθυμήματα etiam ab eo ap-
pellata. vt nimirum per appositionem (vt
loquuntur grammatici) dicat, *talia*, fuisse
symbolas, id est cōferri solita fuisse tanquam
symbolas, siue *symbolarū* loco. Atq; ita nec
talia symbola, nec *tales symbolæ* scribi necesse
fuit. Sed credibile est audacem alioqui li-
brarium, ad mutādum *symbolæ* in *symbola*,
audaciorem etiam à præcedente voce *talia*
fuisse redditum. Cæterū obseruatione o-
biter dignū est in illo Gellii loco verbū *con-*
iectabamus: quo usus est potius quām ver-
bo conferebamus, vt quasi natuam vim
Τῦ συμβάλλει, vnde est ortum συμβολὴ, an-
te oculos poneret. Illo autem vocabu-
lo composito *afsymboli* vtitur post Teren-*

DE ABVS V LING. GR. 9

tium Phormione,

Téne *asymbolum* venire vñctum atque
lautum è balneis?

Vbi Donatus hoc nomē inter parasitos con-
fictum atque compositum esse tradit. Et
asymbolum venire, contrarium ei esse quod
legitur in Andria, *symbolam dedit, cœnauit.*
Nam exéplaribus quæ *symbolum* & hīc scri-
bunt, fidem planè derogādam aio. Nec mi-
rum est sanè si, qui manus Terentio afferre
ausi sunt ad corrumpendam hanc vocem,
eius expositori nō pepercerint. Hoc saltem
cōstat, eum illud vocabulum (vtroculque
modo legatur) de annulo non intelligere:
quippe qui locum vñū alteri opponat. Alio-
qui enim dicendum esset *asymbolum* vicis-
sim ab illo intelliġi eum qui annulum non
dedisset. Iam verò & aliud argumentum ex
eius verbis duci posse videtur. Nam si verū
est quod ait, *ἀσύμβολος* esse vocabulum à
parasitis fictum (vt paulo pōst *cœna dubia* pa-
rasiticum verbum esse dicit) rationi cōsen-
taneū est vt ex vocabulo *συμβόλη*, ad eādem
rem pertinente, sed inuiso parasitorum au-
ribus (vt pote propriè & peculiariter signifi-
cante pecuniam quæ confertur in cœnam:
quum alioqui suapte natura collationē sim-
pliciter sonet) factum esse censeatur: non

autem ex σύμβολον : quod etiā si alicubi hanc significationem habere cōperiretur , at minimè propriam eā habere dici posset. Quòd si etiam verum non esset quod Donatus de illo nomine scribit , nimirum à parasitīs fuisse excogitatum , saltem in eo quòd illis hoc attribuit, ostēdit se ex nomine σύμβολη , non ex σύμβολον , compositum existimare: propter eam quam attuli rationem.

Vt autē inueteratū esse hunc de voce *symbolum* errorem existimem, facit quod apud diuū Augustinū legitur , de symbolo Christianæ fidei (quod & Apostolicū symbolum vocatur) posse hīc collationem ea voce intelligi. *Symbolū* (inquit) cōprehensio est fidei nostræ atq; perfectio, simplex, breue, plenum: ut simplicitas consulat audientium rusticitatī , breuitas memoriae , plenitudo doctrinæ. *Quod enim Græcē symbolum dicitur, Latinē collatio nominatur. Collatio ideo, quia collata in unum totius catholice legis fides, symboli colligitur breuitate.*

Fortasse tamē diuus Augustinus (licet eum & alibi obseruauerim non satis exactè quædam ad Græcā linguam pertinentia tradere) dū hæc scriberet, nō ita memoria fuit lapsus ut non recordaretur σύμβολην, nō σύμβολον , Græcis esse quod Latinis est collatio : sed

DE ABVS V LIN G. GR. II

eos qui nomē huic cōprehēsionī imposuerāt, voce σύμβολον pro altera συμβολὴ abusos esse credidit. Verūm aliter se res habet, quū alia in próptu sit huius appellationis ratio, tribuendo voci σύμβολον non aliam quàm suam & vulgarem significationem: si nimirum σύμβολον vocatū fuisse dicamus quod sit Christianæ fidei velut tessera, siue tessera qua veri Christi milites internosci queant. Fateor tamen me aliquando alteram illam huius appellationis rationem magis probasse, dum eā vocabulo σύμβολον, seu significationi huius vocabuli, vim afferre non considerarē. Ceterūm ne ego dum hic sum nimium μακεσσύμβολος (alio quidem certè modo quàm vt Attici μακεχὸς συμβολὸς appellare soliti erant) cogar ad pleraque alia quæ tractanda sunt, accedere à σύμβολος, ut-pote cōsumptis in hac quæstione horis quæ aliis impertiendæ erant: ita hunc sermonem claudam vt istud saltem eripi mihi non posse dicam, vocem σύμβολον pro συμβολὴ fuisse Græcis incognitam , ideoque hac in significatione aut esse barbaram, aut certè licenter & nō sine abusu in Latinum sermonē fuisse receptam , si quidem apud ullum classicum scriptorem veterum quoque exemplarium autoritate cōprobata reperiatur.

GENVS fœmininū vicissim pro neutrō usurpat vulgus (vulgo enim peculiaris est hic error , multo præcedente crassior & putidior, vt ita dicam) quum *Biblia* & *Chronicam* vocat, quæ nomine *Biblorū* & *Chronicorum*, Βιβλίων & Χρονικῶν, appellari debent: simul nimirum singulari numero plurali vtens vel potius abutens. Ideoque huius erroris mentio facienda iterū erit ubi de *N U M E R I* abusu agetur.

AT GENERE fœminino pro masculino non vulgus tantum, sed & ii qui vulgus contemnunt, abutuntur in voce *Pádectæ*: quasi verò παρδέκται non habeat nominativum singularem παρδέκτης. quod nihilo magis fœminini generis esse potest quam Θεοδέκτης & Πολυδέκτης esse possunt mulierum nomina : & quasi vt δέκται est masculinum, δέκται fœmininum, ita etiam παρδέκται non sit masculinum, at fœmininum aliud esse nō possit quam παρδέκταις: quasi denique tituli illius splendor vel ipsi grammaticæ oculos præstringere debeat. Magnū equidem certamen ingredi me scio , sed ex quo tamen nonnisi victorem discessurum spero. Ac primū, quum iurisconsultos habent aduersarios, pro fœminino Pádectorum genere, tanquā pro aris & focis pugna-

turos, primus & maximus impetus ab illa eorū regula timēdus mihi est, Cōmunis error facit ius. Sed impetus ille à me facilè sustinebitur : præsertim quum multos sponte manus mihi datus & ad castra mea trāsfiguros sciam, vel ipso sui tam diuturni erroris pudore statim viētos. Et tamē celeberrima illa editio quæ Florētia prodiit, Pādectas & ipsa fœmininas facit. Epistolæ enim ad lectors editioni illi præfixæ, hoc est initiū,

Cum vetustissimo Florentinarum Pandectarum codice nullum omnino alium integritate ac fide comparandum esse, iam omnibus est persuasissimum. Quid? Florentinorum Pandectarum dici debuit? Ita dicendum tunc fuit, & nunc quoque dicendum itidem est Pandectæ Florētini, nō Florētinæ. Nisi fortè quandam sibi peculiarem grammaticē habere se iactent iurisconsulti, quam sequi ab Imperatoria maiestate iubeantur. Primum enim illud quod dixi, negare non possunt, πανδέκται habere nominatiū singularem πανδέκτης, quod eiusdē generis esse necesse est, cuius sunt Θεοδέκτης & Πολυδέκτης. Deinde, respondere nō possunt, vocē illam, transeuntem ē singulari ad pluralem, simul etiam ē genere masculino ad fœmininum trāsfigere. Postremò, ybi locum illis protulero

in quo πανδέκτης scriptum est masculino genere, quanuis alium ibi usum habeat, eò confugere non poterunt ut dicant vñà cum significatione genus nautare. Manete enim eadem terminatione, maneat idem genus oportet. Is autem locus quem dixi est Synesi, ubi scribit, Πριγολεων δε τως αυτων Πριγεῖναι καί τοι περιθυμήσεις πατενάρηνοι, ίνα μη εὐθύνας ρώσχω Τοις πανδέκτης Τοις διποσμιλεύσοι Τα συγχράμματα. Vbi Budæus πανδέκτης vocari suspicatur eos qui intercipiebat literas, deinde adulterabat. Ego verò aliquid præterea sub hac voce latere ibi crediderim. Sed ne ab altera huius nominis significatione longius discedam, videtur est an in ea quoque masculinum esse, idoneo quopiam testimonio probari possit: si tamē res tam clara tamque testata ullo insuper testimonio eget: id est, si soli facibus admotis est opus. Perinde tamen acsi egeat, queramus. Aulus Gellius certè, siue Agellius, suppeditare posse videtur, lib. 13, cap. 9, in ipso principio, *Tullius Tiro, M. Ciceronis alumnus & libertus, adiutorque in literis studiorum eius fuit. Is libros complures de usu atque ratione linguae Latinae, itē de variis atque promiscuis quæstionibus cōposuit. In iis esse præcipui videntur quos Græco titulo πανδέκτης*

libros inscripsit, tanquam omne rerum atque doctrinarum genus continentes. Idem alibi, *Sunt qui libros suos, πανδέκτας, id est omniū receptacula, inscriperunt.* Quid? in illo priori loco, nōnne πανδέκτας libros dicit tanquam adiectiuū substantiuo iungens? Quod quum ita sit, qui πανδέκτας fœmininū esse dicere perget, is eadem opera & *libros* fœminum esse contendat.

Erunt autē fortassis & qui me quæstione illa adorietur, si πανδέκτης sit adiectiuū masculinū, quod substantiuū extrinsecus assumi, siue (ut grammaticè in rebus grāmaticis loquar) subaudiri debeat. At ego, etiam si nullum nec à me nec ab alio inueniri posset quod ei aptè iungeretur, non propterea minus iis quæ dico, id est simplici & aperte veritati, credendum & acquiescendum esse dicerem: sed ne hīc quidem mihi defuturum spero quod ita respondeam ut sibi à me satisfactum esse dicere debeant. Quum enim videamus veteres sæpenumero libros suos appellasse λόγους, quidni πανδέκτας λόγους eos dixisse verisimile fuerit? Nam quum βίολοις fœmininum esse cōstet, si quis πανδέκτας βίολοις dixisset, alterutro præter linguæ Græcæ cōsuetudinem vsus esset: nimirū vel hoc in masculino genere, pro fœmi-

nino: vel illo, in fœminino, pro masculino:

Sed iā plerosque manus rationibus meis dantes videre mihi videor, & terminationis vocum linguæ Latinæ similitudine in errorem se quoque impulsos fuisse fatentes. Nec defuturos tamē puto quorū contrā aures ab his verbis *Pandectæ Florætini*, sic abhorreāt, propter insolentiā, ut Aristophanicum illud dicturi sint, ημᾶς οὐ πείσεις, & δῆ λω πείσης.

A D P A R A G R A P H V M vēturus erāt à Pandectis, quòd iurisconsulti vt Pandectis fœmininum genus pro masculino tribuūt, ita vicissim *paragrapho* masculinum dent pro fœminino: & ita facili permutatione vtrique nomini quod suum est reddere possint. Quanuis enim ὁ θάραφος Græcis vtrunque genus admittat, quum tamen hac voce absque adiectione vtebantur, non dubium est quin τὸν θάραφον, non τὸν παράθαφον dicerent: viptote θερμὴν subaudientes. Sed quum iidem iurisconsulti nomen illud θάραφος de possessione significationis autē delicere non dubitarint, non mirum est si etiam genus ei suum mutare ausi fuerint.

C H I R O G R A P H V S in mentem mihi venit, dum *paragraphi* mentionem facrem. Sunt enim qui *Chirographus* dicant, in genere

genere itidem errantes , sed simul etiam in
terminatione. *Chirographum* enim rectè di-
ci , non item *chirographus* , existimo : ut
Græcè τὸ χειρόγραφον , nō item ὁ χειρόγραφος ,
dici solet . Ad me quidem certè quod atti-
net , nihilo magis *chirographus* dixerim ,
quam Autographus & Antigraphus , pro Au-
tographum & Antigraphum : αὐτόγραφον
& ἀντίγραφον . Loquor autem de illa *chiro-*
graphi significazione qua ponitur pro eo
quod recentiores Græci ιδιόχειρυ etiam vo-
cauerunt . Alioqui voce χειρόγραφος , tanquam
adiectua , & in masculino & in fœminino
genere uti possumus : veluti si librum χειρό-
γραφον , vel epistolam χειρόγραφον dicere
libeat . Scio tamen illi etiam voci *chirogra-*
phus pro *chirographum* positæ quosdam au-
toritatem attribuere conatos esse ex non-
nullis scriptorum veterum locis . Sed vni-
co Fabii loco (quod sciam) niti possunt . Ve-
rūm infirmo eos niti præsidio existimo ;
eamque scripturam esse eiusmodi quæ à Fa-
bio non agnosceretur : atque adeo , quæ ne
ab emendationibus quidem exemplaribus
eius librorum (siquis ea cōsulat) agnoscatur .
Existimo autem , ἀντελέσ quidem esse , χειρό-
γραφον γέρμην : at χειρόγραφον dici ἐλειπ-
τῶς , breuitatis gratia . Chirographon tamen

b.i.



peculiariter etiā de ipsa (vt vulgò loquimur) signatura dixisse veteres quoque videntur.

Sed quid si opponat mīhi quispiam *Syngraphus*, quod apud Plautum legitur? Primum certè an Plautini loci scriptura omni suspicione careat videndum est; deinde fieri potest vt ipsemet Plautus, qui *Syngraphus* pro *Syngrapha* dixit (si modò pro confessō id habendum est) nō itidem *Chirographus* pro *Chirographum* dicturus fuerit. quanuis aliam quandam vocem masculino itidem genere efferri ab eo videamus, quæ neutro efferenda fuisset: quum videlicet *symbolum* masculino genere dicit: si tamen non mentiuntur exemplaria. hoc enim semper excipio. Sed etiam si de fide exemplarium in omnibus hisce locis constaret, respōderi posset illa dici δέχαινως: sicut in plerisque voci bus non solùm quæ à Græcis ortæ sunt (veluti quum *schema*, *schemæ*, dictum fuit) sed & aliis non idē genus priscis Latinis placuisse quod eorum posteris videmus. Quod certè non patrocinatur iis qui inconsideratè & per ignoratiā nomine aliquo in alio genere quam suo vtuntur: præsertim quum vñà cum genere terminatio quoque mutatur: vt qui *Canister* pro *Canistrum* dixerunt.

D I A M E T R V M in eorum nominum

ponere numero possumus, quibus circa genus sit iniuria: id est, quibus aliud quam suū genus tribuitur, nimirum masculinum profeminino. Quòd si qui fœmininū esse scientes illud nomen, dicere tamen *Diameter* licere sibi putauerunt, magis etiam reprehendendi sunt quam qui masculinum esse crediderunt. Quis enim terminationē illam in *er* à fœminino genere alienam esse non videt? Quum autem in nominatio *Diameterus* dici possit, ito minus libenter tamē terminatione Græca *Diametros* dixerim. Natus autem est hic circa genus istius nominis error, vnde & alii nonnulli, nimirum ex eo quòd ignoraretur esse adiectiuū, cum quo substantiuū fœmininū apud Græcos subaudiretur. Dicitur enim η διάμετρος χραμμὴ pleno sermone, & breuitatis gratia διάμετρος.

C O M E T A E & Planetæ superioribus nominibus addere possumus, in quibus nimirū circa genus à nonnullis peccatur. Duo autem hīc in errorem impellunt, nimirum & terminatio, & substantiuū stellæ, quod cum illis, tanquā fœmininis, genere cōuenire existimatur: quum Græca vox ἀσέρες, qua stellæ significantur, sit masculina: & dicatur ἀσέρες κομῆτη, & αλλωνῆτη: in singulari, ἀσήρ
b. ii.

κομήτης & πλανῆτης. Quinetiam quod ad terminationem attinet, non dubiū est quin rectius *Cometes* & *Planetes* quam *Cometa* & *Planeta* dicatur.



*De Græcis quibusdam nominibus in quorum
declinatione peccatur. C A P. II.*

IN DECLINATIONE nominū quæ ex Græcis sumpta Latini usurpant, peccari etiam videmus, simûlque in terminacione. Peccant (vt primum locum ei dem exemplo quod primum memoriae meæ se offert) qui *Hebdomadam* dicunt quam *Hebdomadem* vocare deberet. Græcis enim est ἑβδομὰς, ἑβδομάδος: vnde fit *Hebdomas*, *hebdomadis*, non *Hebdomada*, *hebdomadæ*. Declinatione abutuntur & qui *Symbola, symbolæ*, pro *Symbolum, symboli*, dicunt. Primam enim declinationē prosecunda usurpant. Eodemque peccant modo & qui *Biblia, bibliæ*, qui *Chronica, chronicæ*, pro *Biblia, bibliorum*, & *Chronica, chronicorum*, dicunt. Sed de illo priore satis supérque dictum fuit initio huius libelli, quum de nominibus differerem in quorum genere erat: quod hic error illi sit annexus. Ad po-

steriora autem duo quod attinet, ita eorum mentionem ibidem feci, ut quædam in caput quo de abusu numeri agetur, referuaré.

I N P R O P R I I S nominibus, quæ ex Græcis sumpta Latini usurpant, non minus erratur circa declinationem. Cuiusmodi error omnia quæ adhuc vidi Martialis exemplaria occupauit. Quum enim ab illo puella quædam vocetur *Eration*, lib. 5, epigr. 38, in hoc scazōte, *Adhuc recenti tepet Eration buſto*, & declinetur *Eration*, *Erotij*, vt Glycerio, Glycerii. Gnathænion ; Gnathænii : contrà *Eration*, *Erationis*, seu *Erationis*, declinarent & qui scholia in hunc poetā ediderunt, & quotquot suis eum typis excuderunt: quū hunc titulum illi epigrammati præfixerunt, *De Eratione puella*, vel, *Eratione*. Atq; hoc vt ab exactiore quapiā grāmatica profectū amplexata est Antuerpiana editio, quæ non ita pridem prodiit, ad vetustiorū codicum fidem diligenter emendata, vt quidem titulus promittit, & scholiis in margine illustrata. Atqui si *Eration*, *Erationis*, vel *Erationis*, declinare licet, eadem opera *Glycerion*, *Glycerionis*, siue *Glycerionis*, itidēmque *Gnathænion*, *Gnathænionis*, siue *Gnathænionis*, declinare poterimus. Sedenim hoc omnino esset fœminā in mare transformare: quum
b. iii.

non muliebrium sed virilium nominū esse
talis declinatio soleat: in o n i s tamen po-
tius quām o n t i s . vt Parmenion , Par-
menionis : Philistion , Philistionis: Hepha-
stion, Hephaestionis. Atque adeo non deest
apud historicos qui Eration vocetur sicut
& qui Eros appelletur. Atque ex hoc factū
est illud per ρωνοεισμόν : sicut Philistiō ex
Philistus, Parmenion ex Parmeno, Hepha-
stion ex Hephaestus. Eodēmque & illa fœ-
minina modo sunt ρωνοεισινά. Nam Gly-
cerio ex Glycera, Gnathæniō ex Gnathëna,
sic Leontion ex Leæna, Nannion ex Nan-
nω , ρωνοεισινῶς deduci videmus. Sic ta-
men vt quædam etiam inueniri fatear de-
ducta per diminutionē ex nominibus quo-
rum aut rarus aut nullus etiam fortassis est
vīsus: vt Stephanium, Phronesium, Pinaciū,
apud Plautum: apud Terentium Phormio-
ne Phaniū. Hoc tamen fortassis à Φανῷ
deductū videri queat , sicut Ναύνιον à Ναύνῳ.
At Pinacium præcedit quidem vox Pinax,
sed quæ masculini sit generis , ideoque ad
muliebre nomen accommodari nō possit:
nisi ex nomine masculino Πίναξ ita transi-
re ad fœmininum dicamus , vt Ερφίον ex
Ἐρφίᾳ. Apud euīdem comicum Terentium
meretricula quædam modò Philotion ρω-

πορτινᾶς, modò extra ὑπονοεῖσμὸν Philo-
tis appellatur, in Hecyra,

*Sed videōne ego Philotion? unde hæc ad-
uenit?*

Philotis salue multum.

Paucis versibus interiectis,

*AEdepol te desideriū Athenarū arbitror
Philotion cepisse sāpe, & te tuum
Consilium contempſisse.*

Scribendo autem Philotis, transit nomen appellatiuum in proprium : simûlque hæc scriptura recipiendo ὑπονοεῖσμῳ apta est. Alioqui enim φιλότης vel ὡφιλότης Græcis est usitatum , quum blandè quempiam compellare volunt (non secus ac quum dicunt ὡφίλης οὐ φαλή) Cuius usus exempla meus Thesaurus Græcæ linguæ suppeditabit. Quod autem sine discrimine modò Philotis, modò Philotion dicit, argumento est ὑπονοεῖσμὸν in his nominibus esse terminatione tenus, aut saltem , magis terminacione quam significatione. Vnde etiā factum est fortassis ut Græci huiusmodi diminutiuis accentui eum non darent quem diminutæ voces postulant : (ideoque suprà Νάννιον non Ναννίον scripsi) nihilo magis quam appellatiuis nominib⁹ ἵχνιον, & ἔργον, & αὐλιον : & quibusdam aliis, quanuis sint

diminutæ. Donatus autem licentia hoc imputat, quod coimpellatio ita mutetur. Scribit enim, *Vide licentiam. supra Philotion, hic Philotis dixit.* Apud Aristophanem certè videmus ex Φειδίππίδῃ statim transiri ad Φειδίωπίδιον, itidemque ex Σώκρατης ad Σώκρατίδιον, sed ita ut diminutiū addat quasdam blanditias: in Nubibus,

ΣΤΡ. Φειδίππίδῃ, Φειδίππίδιον. ΦΕΙΔ. Τί
ῳ πάπερ; Ibidem,

ΣΤΡ. Ω Σώκρατης, ὥ Σώκρατίδιον.

Itidemq; τῷ Philotis si statim subiugeretur Philotion, idem, ut opinor, dici posset. Et sanè in nominibus virorum diminutio nō ita otiosa est, ut in muliebribus plerunque. Quòd si quis roget cur nihilo magis illa accentum diminutioni conuenientē habeant quam hæc, in próptu ratio est, quòd Ξιφίδιον, licet diminutiū sit, quemadmodum & Ειελίον, non tamē itidem sit paroxytonū.

Verūm ut omissis hisce quæstionum salebris, ad puellam Eration reuertar, idem nomen apud Plautum quoque extat in Menachmis, eoque appellatur ibi quædā meretrix. Ibidem datiuus, *Erotio*, non *Erotioni*, aut *Erationti*.

-atque huic amicæ detulisti *Erotio*.

Et genitiuus datiuo respōdens fuerit *Erotij*,

nō *Erationis*, aut *Erotiōtis*. Sed *Erotiū*(dicēt fortasse qui suo tam crasso errori patrocinari volent) non *Eration*, apud Plautum scriptum est. Hoc fateor: sed siue terminatione Græca, siue Latina utaris, eadem manet declinatio. Sic certè & alia apud eundem comicum syllaba v m potius quām o n finiuntur: & apud Terétium itidem Glycerium potius quām Glycerion, & Phanium quām Phanion: licet apud eundem Philotion nō Philotium habeat illa ipsa exemplaria quæ Glycerium & Phanium habent. Ecquod verò tam crasso errori patrocinium inueniri potest? Primùm, si dicant se ex isto versu, *Adhuc recenti tepeſ Eration buſto*, colligere non potuisse; an per o, an per ω scriberetur: at ex hoc altero colligere potuerunt,

Pallida nec nigras horrefcat Eration umbras.

Et ex quodam alio, vbi itidem tres postremæ huius nominis syllabæ dactylū efficiunt: quum tamen eundem ibi quoque in declinatione errorē admiserint. Deinde quum de puella loqui viderent, quomodo declinationem eius nomini accōmodare volebant, quam virorum nominibus peculiarem esse ne pueri quidam ignorant? Nec verò tā multa de hoc errore verba fecissem,

(interim tamen de diminutiis non inutilia lectori, ut spero, futura differens) nisi recentes quoque Martialis editiones, splendissimis alioqui titulis ornatas, eodem fœdatas esse viderem.

D E C L I N A T I O imparisyllaba tribuitur nomini cui parisyllaba conuenit, in præcedenti exēplo (ut cætera quæ circa illud idem peccantur omittam) at in eo quod nunc proponam, parisyllaba contrà eidatur cui imparisyllaba dāda erat. Quidam enim nomini *Bias* genitium dedit non *Biantis*, sed *Biae*. *Ausonius* (inquit) in *Biae sententiis*. At si redeat Ausonius, neget se *Biae* sentétias scripsisse. Crassus certè simûlque grauis hic quoque est error, & qui si cum proximè præcedente conferatur, vix sciri possit vter alteri præponderet.

Nec minore errore Italus quidam poeta *Adoni* in dandi casu protulit *ιωνουλάβως*, pro *Adonidi* *αιωνουλάβως*: in hoc suo versu,

*Dum Venus extincto flens oscula figit
Adoni.*

Sic & in gignendi casu, *Adonis* pro *Adonidis* proferre non dubitasset: quippe qui eodem modo *Ianthis* pro *Ianthidis* in hoc suo versu dixerit,

DE A B V S V L I N G. G R. 27

Lux mea luce meæ caræ dep̄det Ianthis.
Fortasse tamen tolerabilior genitius hic
quàm ille datius iudicetur: sed ego ne hoc
quidem vti velim.

Idem erroris genus cōmittitur & in abla-
tiuo. vt *De Adoni*, *De Ianthi*: pro *De Ado-*
nide, *De Ianthide*. Sic Erasmus, *De clema-*
ti AEgyptia, pro *De clematide AEgyptia*.

Vereor autem ne peccare dicendi sint (&
quidem planè contrario modo) ii quoque
qui *Adonidem*, *Paridē*, *Daphnidem*, *Alexi-*
dem, *Theognidem*, *Hyagnidem*, *Eupolidem*,
(vt cætera id genus omittam) dicunt, non
autem *Adonin*, *Parin*, *Daphnin*, *Alexin*,
Theognin, *Hyagnin*, *Eupolin*. Sed vereor vi-
cissim ne, si reprehendendos dixerim qui
his accusatiuis vtuntur, nonnulli ex doctio-
ribus quoq; in me insurgāt: ideoque meam
de hac re sententiam suspendam, & eos me-
cum ad hanc grammaticā disquisitionem
vocabo. Sed ita suspendam, vt interim mul-
to tutius esse affirmem, *Adonin*, *Parin*, &
cætera itidem ιωνιλλάσσως efferre. Annon
verò mirum hoc est, si quis *Phalaridem* di-
xerit, nouus hic & insolens multorum auri-
bus sonus accidet: ab accusatiuo autem Pa-
ridem tantum abest vt abhorreant, vt si quis
recte dici neget, non solum noua sed stulta

etiam fortassis hæc reprehensio eorum iudicio futura sit. Quid:ānnō genitiuus est Paridis: dicent. Fateor: sed & Phalaridis genitiuus est nominis Phalaris:& tamen Phalaridē respuere videtur aures. Sic & reliquorū quæ dixi genitiui in Dīs desinunt, vix tamē (ac ne vix quidē fortassis) corū accusatiū in D E M reperias apud ullū ex iis scriptoribus, quorum testimonium ἀξιόπιστον habendum est. Age verò (addēt iidem) quum Αδωνίδα, Πάρειδα, Δάφνιδα, Αλέξιδα, Θύριδα, Θεόγνιδα, Τάγνιδα, Ευπόλιδα, Στρατίδα, Τοξαρίδα, Βυσιρίδα, Οσιρίδα dicant Græci, quidni Latina terminatione hæc ipsa nomina vestientes, Adonidē, Paridē, Daphnidem, Alexidem, Thyrsidem, Theognidem, Hyagnidem, Eupolidem, Stratidem, Toxaridem, Busiridem, Osiridem dicemus? Sed quicunq; hoc obiicient, sciāt se τὸ ζητούμενον ἀποτίζειν. Nam hoc quoque in dubium voco, an rectè Græci grammatici illos accusatiuos libris suis intulerint: quibus certè & accusatiuum Φαλαρίδα, & quemuis alium id genus addi necesse erit. Potius certè accusatiuo parisyllabo contenti esse debebant, Αδωνιν, Πάρειν, Δάφνιν, &c. Nā Αδωνιν quidem & Πάρειν, passim, Αδωνίδα autem & Πάρειδα, non item me legere memini.

quanuis Palladas Πάειδας Anthologiæ Epigr.lib.2,dixerit. Ac quum hoc saltem factendum sit, accusatiui parisyllabi in *w*, certiorē esse vsum quām alterius , miror quosdā grammaticos non huic sed alteri priorem locū dedisse: dicentes, Αὐθωνίδη, vel Αὐθωνίν: & Πάειδη, vel Πάειν. Evidem sicut apud Græcos tam poetas quām solutæ orationis scriptores, ita & apud Latinos sæpe occurrit accusatiuus Parin : alter autem nisi oculos meos ad hunc usque diem fugerit, nunc certè memoriam meam fugit. Ideoque parum me mouet quidam locus epistolæ ad Octauium , quæ Ciceroni olim adscripta falsò fuit. nō solùm enim dubia est eius qui eam scripsit autoritas(quum illa declamatorium quiddam habeat) sed ne de fide quidem exemplarium constat. Pluralem autem illum accusatiuum, quem Anthologiæ epigr.lib.2, extare dixi, si grammatici arripiant, vt eum mihi opponant : primū respondebo id esse, aduersarium ipsum iudicem constituerē. Constat enim Palladam esse ex illorum numero aduersus quos hæc suscepta est disputatio: id est , esse grammaticum. Deinde quæri potest an aliter in plurali dici potuerit quām Πάειδας. quod si etiā dici aliter potuerit, videndum an eiusmodi sono qui tam

Et quoniam in lubrico me versari loco non ignoro, ne ipsem labar, in eo quod tam de aliorum lapsu opinionem conceperim: non negabo posse illius accusatiui exemplum alicubi inueniri, licet (ut à me paulo antè dictum est) vel oculos meos adhuc fugerit, vel certe memoriam nunc fugiat. Eo tamen usque progrediar, ut dicam multo tutius & certius esse accusatiuis, Αἴδων, Δάφνη, Παρίς, cæterisque itidem vti, quam Αἰδώνιδα, Δάφνιδα, Πάριδα dicere.

Quod si quis me roget cur accusatius iste in ΙΔΑ in usu non fuerit, aut certe multo minus, quum tamen analogæ consentaneus esse videatur: possim quidem hanc quæstionem, ut quam minimè soluere cogar, procul reiicere: possim etiam eam nec reiciendo, nec soluendo omnino, dicere Atticis itidem terminationem in ΔΑ minus placuisse, quum Οἰδίποδα maluerunt quam Οἰδίποδα dicere, ut quidā tradunt: sed quod lectori magis satisfaciat, afferre posse mihi videor. Suspicor enim alteram illam terminationem in ΙΔΑ Græcos fœmininis nominibus propriis integrum maluisse relinquere, dicentes, Θέτιδα, Δώρειδα, Φύλλιδα, Άμαρύλλιδα, Φιλάργυριδα, Θαιδα: sicut & apud

Maronem Phyllida & Amaryllida nomina mulierū esse videmus: & Latinè Phyllidem quoq; & Amaryllidē dici posse, sicut Thetidem, Doridem, Philenidem, certissimū est. Neque tamen alteram terminationē à quibusdā quæ sunt huius ordinis exclusā fuisse dico: quum Θέτην frequēter, apud poetas præsertim, occurrat: & Ἰων magno in vsu esse sciamus. Atque hoc tandem est quod hac de re suspicari possū. Faciet quidem certè mea hæc suspicio, qualiscunque est, vt non facilè vlla aduersus illam meam obseruationem testimonia, nisi extra omnem reprehensionis aleam posita, admittam: præseruum quum nōnulli vtriusque linguae scriptores in quibusdam peccasse existimentur quæ non tam curiosa obseruatione opus habuisse videntur.

I N D E C L I N A T I O N E peccasse arbitror quendam magni nominis virū, quū, verū ita poscente, *Calypsona* ausus est dicere. Certè si *Calypsonem* dixisset, ita illam declinationē tueri potuisset, vt respōderet se voluisse ἀρχαιζειν. Priscis enim Latinis hūc accusatiū Calypsonem in vsu fuisse ex Fabio discimus. *Mihi autem* (inquit, lib. i) *placet Latinam rationem sequi quousque patitur decor. Neq; enim iā Calypsonem dixerim,*

ut Iunonem. quanquam sequutus antiquos
C. Cæsar utitur hac ratione declinandi. sed
autoritatem consuetudo superauit. In ceteris
qua poterunt utroque modo non indecenter
efferri, qui Græcam figuram sequi malet, non
Latinè quidem, sed citra reprehensionem lo-
quetur. Si igitur & ille Calypsonem dixisset,
 $\delta\epsilon\chi\alpha\iota\sigma\mu\circ\eta$ sibi, sicut & C. Cæsari placuisse,
respondere potuisset, declinando Calypso,
eadem modo quo Iuno. Nunc verò quo-
modo Calypsona efferre potuit, vtens Græ-
co accusatio cui nullus nominatiu⁹ ἀνάλο-
γος reperitur? Is enim fuerit Καλυψών. quod
vocabulum nondum fando auditum esse
puto, nihilo magis quam Διδών, Σαπφών,
Κλωθών, Κλειών, pro Διδώ, Σαπφώ, Κλωθώ,
Κλειώ. Nam Aihona quidem legimus,
sed tanquam ab Ἀθών. vt omittam, nec al-
terum eius nominatiū, qui passim vīstatus
est, in ω, sed in ως, terminationē suam ha-
bere. Jam verò vt ille Calypsona ausus est
dicere, Græco quidem accusatio, sed cui
 $\alpha\pi\lambda\omega\gamma\circ\eta\circ$ nominatiū extat, ita quidam
vicissim Græcum nominatiū Latinæ
voci affingēs dixit Iunon. Sed futurum cre-
didit fortassis vt Echo (quæ itidem Echō ab
eo dici potuit) hunc nominatiū excusaret.
Eius enim sono vt seruiretur, dictum fuit
Iunon,

Iunon, hoc in versu,

*Dic, dea te tenet hoc inclusam marmore
Iunon?*

Respōdens enim Echo vtitur particula *Nō*, quæ non itidem locum habuisset post nominatiuum *Iuno*. Hoc tamen est lingua Græca nō vti, sed abuti: vel potius linguam Græcam ludos facere.

Nonnulli verò , & ii quidem non pauci, ablatiuos illorum Græcorum nominum in terminatōrum, similes nominatiuo in Latina lingua faciūt: *Sappho* in ablatiuo dicentes: ut *Autore Sappho*: Sic *Clio, Erato*. vt, *Herodotus* in *Clio* commemorat: vel in *Erato*. At qui *Sapphone, Clione, Eratone* dicēdum est, eodē modo quo diceretur *Didone* Διδώνεις genitiuo Didonis. *Antiquissimi* tamen (inquit Priscianus) & Græca in o productam desinentia per hanc declinationem proferebant: ut *Sappho, Sapponis, Dido, Didonis*, Idémque & alii testantur, ex quibus est Fabius, in loco quem paulo antè attuli : sed ita vt ea vti nolit. Atqui nō video à qua alia declinatione & datiuum & ablatiuum sumere possimus. nam Græca suppeditat quidem nobis genitiuum *Didus, Sapphus* : & accusatiuum *Dido* (pro quo & *Didun* à priscis quibusdam dictum fuit) *Sappho* : sicut &

c. i.

34 H E N R. S T E P H. A D M.
vocatiū: sed non itidem datiuū & ablatiuū suppeditare nobis potest.

At de illo qui *baltea* ausus est scribere, quid dicemus? Nonne multo etiam magis Græca lingua eum abuti, eamque ludificari? Horresco referens,

*Baltea Priamides rigidū Telamonius ensē,
Instrumenta suæ vidi uterque necis.
Quibus versibus exprimuntur hi Græci, ex
Anthol. epigr. lib. 3,*

*Ἐκτερος γαρ ζωσῆρε λαβόντι, ξίφος ἔμπαλι
δῶνεν.*

Tl̄w d̄e γάρ ειν δώρον πείρασσιν τηνάτω.
Nempe ut *baltea* quis probare possit, sicut Orpheus, persuadendum ei est Galateus Græcum esse sicut Ophelus. At cui persuaderi tandem hoc poterit? Atque in alio certè multo minus talē abusum mirari deberem⁹ quam in eo à quo profectus est: quippe qui cōtrā, quum non solū legum, sed Græcæ etiam linguae & peritus & amator esset, legitimi vsus huius assertor vindicetq; esse debuerit. Profectus est enim ab Andrea Alciato, cuius lucubrationibus quātum & iuris scientia & literæ humāiores debeat, neminem latet. Ideoque lubenter eius nomini pepercisse (sicut aliorum multorum nominibus parco) sed è re lectorū esse putauī, noscē talem

à tanto viro errorem esse commissum , vt eo cautiores redderentur. Placuit autem & Græcum quē interpretatus est versum proferre (præterquam quòd aliunde quoque notissima est hæc historia) vt siquod ex pluralis vſu effugium quæreretur, id præcludeatur. Siquis enim ; quum hoc ita sit , eum hīc plurali pro singulari vſum esse contenderet (quoniam hoc nomen in plurali numero ē genere masculino ad neutrū transit, vt in quibusdam Græcis idem fieri videamus) eum excusare volendo, grauius accufaret. quoniam hominis effet planè iudicio carétis , pluralem pro singulari eiusmodi in loco usurpare , & ignorātis vbi poctæ id sibi permittant. Alius verò quidam *balteon* dixit (nimirum Vrſinus Velius , multis meo iudicio poetis anteferendus, quibus postponitur) hoc in versu,

Balteon abripui, Thracisq; armēta cecidi.
 Sed ne hunc quidem accusatiuum linguæ Latinæ leges admittunt, quum vox ista Latina sit , non Græca. Nam si Balteos Græcè diceretur , tum certè liberum effet vel Balteon , terminationem Græcam retinendo, vel Balteum , tanquam à nominatio Latino Balteus, dicere : at quum Latinū prorsus esse vocabulum non ignoraret , mirum

est eū terminatione Græca vestire illud au-
sum fuisse. Neque tamen si Græcum esset
nomen illud, protinus & *baltea* cum Alcia-
to & *balteon* cum Vrsino Velio dicere fas
esset: quanuis Naso & *Orpheo* & *Orpheon* di-
xerit. Nam *Orpheo* quidem dixit tanquam
ab *Orpho*s, analogiam sequēs, at *Orpheo*
non item: in poematio in Ibin,

*Diripiāntq; tuos insanis vnguibus artus
Strymoniæ matres, Orpheon esse ratæ.*

Sed nimirum quemadmodū Latini quum
Orpheū dicunt, terminatione Latina Græ-
cum verbum vestiunt, ita vicissim illam
terminationem in **E V M** Latinam mutare
Nasonē voluisse arbitror in Græcam **E O N**:
idque tamen non tanquam nulla licentia
vtentem: vt pote non habita ratione decli-
nationis quæ diuersa esset ab ea in qua id fieri
soleret. Sic autē Pentheon, Peleon, The-
seon, pro Penthea, Pelea, Thesea, dici posset.

I N P A T R O N Y M I C I S nominibus
sicut occultior, ita etiam venia dignior esse
videtur error. quum videlicet à nominati-
uis, cuiusmodi sunt hi, *Anchisiades*, *Laertiades*,
Pheretiades, item *Pelides*, *Atrides*,
Alcides, siūt genitiui *Anchisiadis*, *Laertiadis*
&c. pro *Anchisiadæ*, *Laertiadæ*. Sed in tribus
illis prioribus & aliis itidem in **I A D E S** desī-

nentibus plures quām in cæteris labi animaduerti. Atque illi me quoque in errorem traxerant (neque enim & ipse meū hīc peccatum fateri erubescā) quum in epigrāmate præfigēdo editioni qua primus Anacreontis versuum reliquias luce donaui, scripsissim,

hoc constat, cantibus istis

Sæpe Pheratiadis personuisse domum.

At verò primitiua, *Anchises*, *Laertes*, *Orestes*, *Thyestes*, *Acestes*, habent quidem genitiuos in A E itidem, *Anchisæ*, *Laertæ*, *Thyestæ*, *Acestæ*: sed ita vt altera quoque in i s terminatio defendi exemplis possit, sicut & datiuus in i. Virgilium quidem certè genitio Anchisæ passim vti videmus, itidemque Acestæ proferre, necnon Achatæ. Eodemque modo Thyestæ & Orestæ apud alios occurrunt. Sed Thyestis quoque & Orestis (sicut Priscianus Acestis quoque & Anchisis posse dici tradit) in v su aliquo esse videmus. Naso quidem certè (si qua eius exemplaribus fides) Orestis itidemque Oresti lubentius quām Orestæ dixit.

E D C L I N A T I O N E autem prima haud scio an recte ad secundam transferantur quædam eorum quæ ex verbo δέχω per compositionem facta sunt. vt *Tetrarchus* pro *Tetrarcha*: & *Patriarchus*, pro *Patriar-*

cha. Fateor enim *Trierarchus* apud Cicero-
nem legi: sed respódeo esse à Grēco τριηράρ-
χος. quo etiam modo efferuntur alia. Ne-
que sum nescius quædam vtranque termi-
nationem habere, vt ἐνατόνταρχος & ἐνετο-
ράρχης. atque adeò non illud τριηράρχος so-
lùm, sed etiā τριηράρχης inueniri. Verùm quū
vſus hac in re dominetur, nec omnia vtran-
que terminationem habere comperiantur,
nemini autor fuerim vt nouè *Tetrarchus*
pro *Tetrarcha* & *Patriarchus* pro *Patriar-
cha* dicat, donec itidem in τέτραρχος & πα-
τρέτραρχος, pro τέτραρχης & πατρέτραρχης, habeat
quos sequatur. Sed & tum quoque fortassis
auribus consulendum esset, quas interdum
huiusmodi nouitas minimè necessaria of-
fendit. Verùm alio plerique sunt ingenio
prædicti, qui ex aliqua sermonis nouitate dū
gloriolam captant, præterquam quòd auri-
bus sunt graues , risum etiā potius quam
laudem ullam mereri iudicantur.

C O N T R A è secunda ad primam quæ-
dam perperam transferri animaduerti , si-
mul etiam mutato genere : & quidem in iis
quæ alioqui vtraque declinatione & vtro-
que genere , sed diuersa significatione , effe-
runtur. Ex iis est vocabulum hoc seculo fi-
ctum, sed omnium consensu receptum, ty-

pographia. Hac enim voce abuti illos dico qui typographicā officinā ea declarare volūt, & *typographēū*, τυπωγραφεῖον, debere dicj.

Q V E N D A M præterea circa declinatio-
neim errorem obseruaui, præcedentibus mi-
nimè similem, & qui fortasse in termina-
tione potius consistere dicendus sit. vbiq; ni-
mirum pro nominatiō nominatiōis Græ-
cæ ponit nominatiōis declinationis La-
tinæ (id est, declinationi Latinæ cōueniens)
in quopiam Græco nomine. vt *Phileta* pro
Philetas. Cuiusmodi lapsus Erasto fami-
liares sunt. Neque enim eum consultò hūc
δέχαισθην affectasse putandum est, vt Phi-
leta, sicut poeta, pro Philetas, & alia nonnul-
la itidem diceret. Cuius archaismi cum aliis
meminerunt, tum verò Fabius. Vicissim
autem genitiuos *Antiphontis* & *Demiphon-
tis* existimari occupasse declinationem Græ-
cam pro Latina, docebo in capite de termi-
natione.

P E C C A T U M præcedenti planè contrariū
admittunt, qui nominibus propriis tertiae
declinationis pro o solo dant o n, more
Græco, in ultima syllaba. id est, qui *Dion*
pro *Dio*, *Phocion* pro *Phocio*, & alia itidem
scribunt. Verūm de hoc fusius à me dissere-
tur in capite de terminatione.



*De quibusdam nominibus Græcis in quorum
numero erratur. C A P. III.*

DVORVM nominū in superioribus memini, in quibus circa numerum, genus & declinationem , erratur : sed ita ut præcipuus sit primus ille error. Ea nomina sunt *Biblia* & *Chronica* : quæ quanuis in vulgantū ore esse putentur , non dubium est tamen quin & aliis excidant qui minimè in ordine illo ponendi sunt , ob Græci sermonis ignorationem . Lingua certè Gallica vtrunque erratum fouet, dum ipsa itidem dicit *la Bible*, & *la Chronique*: alioqui hoc posterius interdum & in plurali efferens. Quanuis autem eodem in vtroque peccetur modo , non eiusdem tamen sunt nature. Nam *χρονικὴ* nomē est adiectiuum, cum quo subaudiendum est aliquod substantiuum, nimirū *συγχρηματα* , aut aliud huiusmodi. Sed ex iis est adiectiuis quæ substantiuorum locum obtinere videtur , dum substantiuum omittitur. veluti quum dicitur *χριστός*, vel *αὐτός*. hæc enim quum pro substantiis haberi possint , accedente tamē substantiō nomine *χράμα*,

DE A B V S V L I N G. GR. 41

aut eiusmodi quopiam , suā adiectiuorum naturam resumunt. Alterum autem nōmen Εἰελία substantiuum est, nihilque cum eo subaudiendum relinquitur: sed quæ continent Christianis traditam doctrinam scripta , κατ' ἐξοχὴν appellātur Εἰελία, id est Libri. vel potius ὡς Εἰελία, perinde ac si dicereatur ὡς ἀγία Εἰελία, vel ὡς ἱερὰ Εἰελία. Sunt verò & qui vocēτ ὡς τὸν ἱερὸν γραφὸν Εἰελία. Eodēmq; modo γραφὴν vel γραφὰν de iisdē dicitur, pro ἀγίᾳ vel ἱερῷ γραφῇ, & ἀγίᾳ vel ἱερᾷ γραφᾷ. Quinetiam composita voce ἀγίωγραφα dicta fuerunt illa scripta , subaudiendo vel Εἰελία vel συγγράμματα. Atque hæc in eorum gratiam qui Græcæ linguæ sunt rudes , à me dicta putentur : ne in hoc meo libello nihil sibi peculiare habere queri possint.

V T A V T E M nunc ad eos quoque qui Græci sermonis peritiam consequuti sunt, sermonem cōuertam , eos mecum perpendere velim ánon Latinæ linguæ scriptores plurali numero in neutro genere uti maluerint ubi nos singulari in fœminino potius vtimur. id est, ánon s̄epe grammatica (ἢ γραμματική) rhetorica (ἢ ῥητορική) dialectica (ἢ διαλεκτική) physica (ἢ φυσική) dixerint, ubi nos grammaticæ, rhetorice, dia-

42 H E N R. S T E P H. A D M.
*lectice, physice, dicimus: quidam verò & per
a, grammatica, rhetorica, dialectica, physica,
nimirum declinantes, grammatica, gram-
maticæ: pro grammaticæ, grammatices: iti-
démque in cæteris.* Cic. De oratore, lib. 2,
*Omnia fere quæ sunt conclusa nunc artibus,
dispersa & dissipata quondam fuerunt: ut in
musicis, numeri, & voces, & modi: in geo-
metria, lineamenta, formæ, interualla, ma-
gnitudines: in astrologia, cæli cōuersio, ortus,
obitus motusque siderum: in grammaticis,
poetarum pertractatio, historiarum cognitio,
verborum interpretatio, pronuntiandi quidā
sonus.* Hic videmus Ciceronem maluisse di-
cere neutro plurali *grammaticis & musicis*
quàm *grammatice & musica*, seu *gramma-
tica & musica*. Sic & Terentius Eunicho,

- *Fac periculum in literis,*

Fac in palestra, in musicis.

Physica quoque eodem modo Cicero dixit,
in Oratore, *Ne physicorum quidem ignarum
oratorem esse volo.* Idem De finibus lib. 1, *In
physicis, quibus maximè gloriatur, totus est
alienus Epicurus.* Fabius certè grammaticis
eodem modo quo Cicero, dixisse videtur
lib. 1, cap. 5, in ipso initio, *Primus in eo qui le-
gendi scribendiisque adeptus erit facultatem,
grammaticis est locus.* Solet tamen ita expo-

ni locus ille quasi *grammaticis* sit à nominatiuo grammatici, vt de iis intelligatur qui docent grāmatica: *Τὰ γραμματικά*. Et quod sequitur, *Nec refert, de Graeco an de Latino loquar. quanquam Græcum esse priorem placet*: de grammatico itidem intelligunt: quasi à plurali ad singularem transeat: at ego de sermone Græco & Latino loqui eum crediderim. Nimirum Græci quoque *Τὰ γραμματικά*, *Τὰ ῥητορικά*, *Τὰ διαλεκτικά*, *Τὰ Φυσικά*, *Τὰ μουσικά*, lubenter dicebant. Agathias Anthol. Epigr. lib. 2,

Ἐγήρας οὐδὲν τὸν ἐν φίλοι γὸν ἔπειμι·

*Ωστε μαζεῦν παρ' ἐμοὶ Ταῦτα *Τὰ γραμματικά*.*

Neque tamen hæc ita dico quasi & nomini bus Grammatice , Rhetorice , Dialectice, aliisque huiusmodi nullus sit apud Latinos locus : vel adiectiuis adjunctum habéti bus substantiuum (appellando videlicet artem grammaticam, artem rhetorica m, arte dia lecticam) sed vt admoniti à me lectores, eum quem dixi pluralis adiectiui in neutro genere vsum obseruent.



*De nominibus Græcis in quorum terminatio-
ne erratur. C A P. I I I I.*

PRO X I M E præcedente capite, quo agitur de declinatione, includere ea noui nomina in quorum terminatione tantum peccatur, sine vlla declinationis mutatione: sed hunc in locum reseruanda existimauit. Nunc igitur de hoc quoque monendi sunt mihi lectores, quum omnium propemodū cōsensu dicatur & scribatur, *Dion*, *Phocion*, *Bion*, *Matron*, *Acron*, *Thymoleon*, (vel *Timoleon*, aliud sequendo etymum) videri tamen scribendū *Dio*, *Phocio*, *Bio*, *Matro*, *Acro*, *Thymoleo*, itidēmque in cæteris huiusmodi. Quid dico, videri scribendum? Imò verò hanc esse veram & genuinā apud Latinos terminationem, tam certum esse puto, quām alteram illam, esse Græcorum constat. Iampridem certè Fabius tradidit, vt *Palæmo*, sic quoque *Telamo* & *Plato* Latinè dici, veteribus placuisse, lib. I, cap. 5. Vbi tamen aliud quoque ab iisdem receptum fuisse in Græcarum vocum vſu tradit, quod non item locū habere posse (quoniam iam tū obsoleuerat) fateor. Eius verba

sunt hæc, *Quinetiam laudet virtutē eorum qui potentiore facere linguam Latinam studabant, nec alienis egere institutis fatebantur.* Inde *Castōrem* media syllaba producta pronuntiarunt: quia hoc nostris nominibus accidebat, quorum prima positio in easdem quas *Castor* literas exit. Et ut *Palāmo*, sic *Telamo* & *Plato* (nam sic eum Cicero quoque appellat) dicerētur, retinuerunt: quia *Latinū quod o & n literis finiretur, non reperiebant.* Neq; interim inferior, colligi ex hoc Fabii loco, fuisse quibus terminationem Gr̄ecam retinere placeret. Ac quanuis in eodem ordine duo illa ponere videatur, minimè tamen existimandum est ab eo simul referri tanquam eadem sit vtriusque ratio, sed tantum ut eodem pertinentia: quòd nimirum vtroque pariter declaretur illorum studium linguam Latinā potentiore efficiēdi. Nam Ciceronē quoque nominatiuo *Plato* fuisse usum ipsem testatur: at verò *Castōrem* aut *Nestōrem*, *Hectōrem* media syllaba producta; tantum abest ut apud Ciceronē aut alium quempiam eiusdem seculi reperiamus, vt à *Varrone* etiam hanc pronuntiationem pro obsoleta haberi videamus. Eius enim meminit lib 1 x, De lingua Latina, *Hæc primò omnes qui soluta oratione loquun-*

tur, dicebant, ut Quæstorię, Prætorem, sic He-
ctorem, Nestorem. Itaq; Ennius &c. Idem lib.
vii, Item secundum illorum rationem debe-
mus secundis syllabis lōgis dicere Hectorem,
Nestorem. est enim ut Quæstor, Prætor, Ne-
stor, Hector. Evidē recentiores Græci par-
 pari priscis Latinis hac in re dici possunt re-
tulisse. Quemadmodum enim veteres La-
tini nolebant quicquam priuilegii nomi-
nibus Græcis in pronuntiatione & scriptu-
ra tribuere, sed sicut eodem modo quo La-
tina declinabantur, sic etiam similiter pro-
nuntiari & scribi : ita postremi temporis
Græci quum Latina nomina, etiā appellatiua,
suis immiscerent, id ita faciebant ut in
iis scribēdis, suorum, id est Græcorum, con-
suetudini seruirent: adeò ut non κοινωνεῖ
sed κοινωνεῖ scribere solerēt. Quanuis enim
in Justiniani Nouellis κοινωνεῖ & περιτο-
ει mea editio habeat, & μοδερνεῖ, aliā-
que nonnulla itidem : κοινωνεῖ tamen in
multis manuscriptis, & περιτοεῖ, item κοι-
νωνεῖ & μοδερνεῖ, extare sciendum
est. Sic ἐμπαντιόνος & ἀκπίνοντος, Nouella
lxxx. Eodē modo in Constitutionibus
nuper à me editis in libro qui Iuris orienta-
lis nomen præfert, περιουσιτορεῖ non πε-
ριουσιτορεῖ, habet exemplar accuratissimè

alioqui scriptum: ὁ μοίως ἔρεσεν ἵνα ὅπλισκοπος
ἡ περιστέρει καὶ διάκονοι, ἀκλήπιορες μὴ γί-
νωνται, ἡ περικουρεῖτερες. Hac igitur in scriptu-
ra par pari Latinis illis refertur, vti dixi.

Verūm vt ad nominatiuos illos, id est ad
illam nominatiuorum terminationem, re-
deam, in o, non in o n: illam potius quām
hanc, multis scriptoribus Latinis, qui prīcis
postiores fuerunt, placuisse videremus, si
eorum αὐτόγεα φα haberemus. Atque hoc
magis etiam persuasum quām antea habui
ex quo in quandam AEmylii Probi edi-
tionem typographicam incidi, quæ ante
multos annos prodiit. In ea enim ita scripta
eiusmodi nomina inueni. Charisius quo-
que, inter grammaticos non postremus, ta-
lem terminationem non aliter quām con-
trouersia carentem affert: idēmque declina-
tionē Latinā in iis magis probat, vt aliquan-
to pōst docebo. Apud illum certè legimus
itidem Memno & Sino, non Memnon &
Sinon. Est tamen bis in hoc ipso nomine
terminatione ista vsus Maro, cogente etiā
metri lege. At verò Antipho & Demipho,
quæ apud eundē grāmaticum inueniuntur,
minus aurib⁹ nostris esse noua debet, vel ob
talem Terentii vsum. Apud eū enim Anti-
pho & Demipho, & Ctesipho (sicut Crito,

Simo) nō Antiphon & Demiphon & Ctesiphon legi, nemo est qui meminisse non possit. His autem simile esset Xenopho, sed nescio quomodo maior quædam in hoc nomine esse videtur terminationis insolentia, & à qua aures magis abhorreant. Atque adeo nec Antiphon sed Antiphon apud Fabium extat, verū valde dubia exemplarum fide. Quæri autem potest an Latinorū scriptorum auribus nescio quid scrupuli, sicut & nostris, hæc terminatio in certis, quibusdam nominibus Græcis iniiceret: ut Parmeno quidem (exempli gratia) Thraso, Gnatho, & alia quædam audacter dicerēt: at verò Agamemno & Iaso aliāq; nōnulla vix dicere auderent. Ego certè aliud omnino sentio, nimirum eos qui terminationē Latinam Græcas præferebant, ea in quibuslibet vsos fuisse. Nam ad Agamemno quod attinet, cur de eo dubitemus, quum Memno apud Charisium habere nos docuerim? Atque vt ab hoc composito ad aliud veniam, quid hoc sibi vult, quum Leo dicamus, non Leon, tamen Thymoleo non dicere, sed Thymoleon? Quòd si & simplex cum simplici conferre oportet, cur Parmeno quidem nemo reiicit, at Parmenio respuetur? Quòd si Parmenio admittetur, cur Philistio,

stio, Hephaestio, non magis nobis placebunt quam Græcam terminationem in Latino sermone retinentia, Philistion & Hephaestion?

Quod autem videmus poetas illa terminatione Græca libenter vti, primùm quidē inde fieri videtur quòd interdum ne stare quidem eorū versus sine eius auxilio possit: (vt de nomine Sinon apud Maronem pa-
lo antè dixi) deinde verò & quòd retinen-
di in talibus sermonis Græci maius illis stu-
dium quam solutæ orationis scriptoribus
fuerit. Apud eos enim legimus genitiuum Androgeω, pro Androgei: item genitiuum Daphnidos pro Daphnidis, si Valerio Pro-
bo credimus, hanc esse germanam lectio-
nem dicenti in isto Maronis versu,

*Aut h̄ic ad veteres fagos, quiū Daphni-
dos arcum Fregisti.*

Datiuum item: vt Orphei pro Orpheo,

Orphei Calliopea, Lino formosus Apollo.

Accusatium autem Græcum multo etiam frequentius, Orphea, & huic similes, The-
sea, Penthea, Eurysthea. Quod etiam magis mirari quis debeat, in iis quoq; locis ali-
quando quibus Latinus adhiberi poterat: vt h̄ic, *Nectantūm Rhodope miratur & Isma-
rus Orphea*. Non minus enim Latinum

d.i.

quām Græcum accusatiuum admittere versus poterat. Neque verò huiusmodi tātūm accusatiuos à Grēcis mutuati sunt (qui certè ne solutæ quidē orationi prorsus ignoti fuerunt: quum Periclea, apud Fabiū, Idomenea & Pythoclea apud Senecam legamus: atque adeò se Piræa dixisse fateatur Cicero, cuius locum afferam vbi de vocis huius scriptura differam) sed & aliarum declinationum: veluti quū Phyllida & Amaryllida, pro Phyllidem & Amaryllidem, quum Amathunta pro Amathuntē dixerunt. Quòd si cū Vale-
rio Probo nō solūm Daphnidos pro Daphnidis, sed etiā Ismaros pro Ismarus, & Mnafylos pro Mnafylus, aliāque itidē termina-
tione Græca apud Maronē legamus, multo etiā maiora illius studii quod dixi testimo-
nia habebimus. Quæ quum ita sint, non est quòd quisquā iis quæ à me de termina-
tione illa nominū, Dio, Bio, Phocio, & similiū, dicta fuerunt, poetarum autoritatem opponat. Quibus verbis huic quæstioni fi-
nem imponēdum esse censeo, ut de geniti-
ui declinatione, sicut pollicitus sum, differā.

De genitiui igitur declinatione dicturus, à Charisiiverbis initium sumam. *Antiphō* quoque & *Demiphō* similiter declinantur, *Huius Antiphonis, Demiphonis: non, ut qui-*

dam, *Antiphontis & Demiphontis*, Græca declinatione. Hæc ille: cui assentitur passim Terentius, & quidem nō in certis quibusdā editionibus dūtaxat, verūm in quibuslibet. Eodémque modo Ctesiphonem nō Ctesiphōtem dicere solet. Et tamē si quis hodie dicat scriptā esse à Demosthene orationē pro Ctesiphone, attoniti h̄erebūt multi qui hoc audient: & erunt fortasse qui ΚτησιΦῶντα significari, vix persuadere sibi poterūt. Atque adeò Cicero ipse in libello De optimo genere oratorum, Ctesiphontis, Ctesiphontem, Ctesiphonte, nō, Ctesiphonis, Ctesiphonē, Ctesiphone, scribit. Sic etiam Xenophōtem dicit: at Terentius Xenophonem dixisset. descendū certè ei hoc non illud fuisset, si cōstare sibi voluisse. Vter igitur sequendus nobis erit? Vtrumuis sequamur, nullam nos Latinitati iniuriā facturos puto: sed in comœdia Ctesiphonē, sicut Antiphonē & Demiphonem, dicēdum potius censeo, quàm Græca declinatione Ctesiphontem, Antiphontem & Demiphontem. Videntur enim comici nō veteres tantūm sed etiam qui illis succederunt, quanuis lubēter Græca vocabula usurparent, diligenter tamen cauere voluisse ne Latinæ linguae quicquam de suo iure (vt ita dicam) decederet, in iis Græcis quæ ad

52 H E N R. S T E P H. A D M.
illius usum & consuetudinem conformari
poterant. Qua de re aliquid & in sequen-
tibus dicendum erit.

Q u u m autem terminationē Latinam
Græcæ præferēdam in nominibus illis cen-
suerim de quibus modò dictum fuit, nunc
contrā in quibusdam illam huic malè præ-
ferrī docebo. Atque incipiam ab illo *Phileta*
cuius antea mentionem feci. Non du-
bito enim quin *Phileta* dictum sit, aut igno-
ratione aut obliuione Græcæ scripturæ, per-
inde videlicet acsi non Φιλήτας sed Φιλήτης
scriberetur: ut Αἴγατης. Nam ut ab Αἴγατης
dicitur Latine AEeta, sic à Φιλήτης non malè
diceretur Phileta. Exemplum autem lectori
affero quo cautor in aliis maioris mo-
menti, quæ occurtere possent, reddatur. Sed
quoniam scimus priscos scriptores Latinos,
vel potius quosdam ex priscis scriptoribus,
quoduis nominum Græcorum genus in
syllabam A s exētium voluisse litera A sola
finire, perinde iam de *Phileta* loquar acsi
pro *Philetas* consultò scriptum esset. Phi-
leta igitur in nominandi casu diceretur qui-
dem vt poeta: sed hanc terminationem Fa-
bium quoque pro obsoleta habuisse, ex his
eius verbis discimus: *Ne in A quidem atque*
s literas exire temere masculina Græca no-

mina recto casu patiebantur. Ideoque & apud Cælium legimus, *Pelia cincinnatus*: & apud Messalam, *Bene fecit Euthia*. Et apud Ciceronem, *Hermagora*. Nec miremur quod ab antiquorum plerisque *Aenea* & *Anchisa* sit dictus. Nam si ut *Mæcenas*, *Suffenas*, *Asprenas*, dicerentur, genitiuo casu non a *et* litera, sed *tis* syllaba terminarentur. Hæc Fabius: à quo quæ afferuntur exempla priscæ declinationis, vel potius terminationis (quum declinatio in vtraque scriptura eadem maneat) suspecta minimè habeo: vno excepto. Nam quum Ciceronem Hermagora recto casu itidem scripsisse tradat, meritò fortassis hîc fides exemplarium quibus usus est Fabius, aut certè eorum quibus utimur, suspecta fuerit: quum Hermagoras in libris De inuentione ab eo nominetur, vt editiones typographicæ vno omnes consensu, quas quidem videre mihi contigit, necnon manuscripti codices, habent. Cur verò Hermagoras quidem dicere noluisset Cicero, at Pythagoras dicere non recusasset? Quamobrem vt priscos Latinos terminatione illa usos concedam, at de Cicerone nequaquam id mihi persuaserim, sed eum sui seculi consuetudinem in hac terminazione sequutum fuisse crediderim. Fortassis

autem abolita fuit prisca illa terminatio, cū aliis, tum verò hisce duabus de causis: vt genus masculinum à fœminino internosci posset, & Græca syllabæ quantitas vñā cum terminatione retineri. Qui enim non AE-neas & Pelias, sed Aenea & Pelia dicere vollet, vltimam corripiat oportet, eodem modo quo in Latinis nominibus corripitur. Neque potest qui terminatione illa in masculinis vtitur, discrimin inter ea & fœminina constituere. Comici tamen, suum illum morem seruantes de quo paulo antè verba feci, à Σωσίᾳ, Πυρρίᾳ, Γέτᾳ, Δεμέᾳ, Φαεδρίᾳ, non *Sosias*, *Byrrhias*, *Getas*, *Demeas*, *Phædrias*, sed *Sosia*, *Byrrhia* (pro Pyrrhia) *Geta*, *Demea*, *Phædria*, scripserunt. At verò in as desinētia, sunt illis fœminarum nomina: vt *Pythias* & *Dorias*. Sed comœdiā aliquid sibi peculiare habere sinamus, & eos qui alia poematum genera composuerunt, vñā cum solutæ orationis scriptoribus in altera terminatione imitemur: siue hæc illis quas attuli rationibus, siue aliis nitatur.

Verūm & de accusatiō non immeritò quæstio mouebitur, si in huiusmodi nominibus Græcam in as terminationem retineamus, an itidem accusatiuum syllaba AN non AM finire necesse sit. Evidem ne hanc

quidem in *AM* reiici posse dixerim : sicutamen vt qui in primo casu *Pelias & AEneas*, at in quarto *Peliam & AEneam* scribunt, fateri cogantur se parum sibi constare: quum *Peliam & AEneam* sint tanquam à *Pelia & AEnea*: vt *Pelian & AEnean*, à *Pelias & AEneas*. Ideoque non dubium est quin *Peliam & AEneam* (sicut *Sofiam*, *Byrrhiam*, *Getam*, *Demeam*, *Phædriam*) dicturi fuerint comici : at de iis qui terminacione altera nominatiuum efferebant, επιχω. Et quoniam in versibus certa huius scripturaræ indicia inuenire possumus, non item in soluta oratione, dicam quid apud Maronem obseruarim. Plurimi sunt in eius poemate loci in quibus lex versus *AEnean* poscit, *AEneam* omnino repudiens : at ex multis in quibus *AEneam* litera *M* finitur, aut pauci sunt aut nulli fortasse qui & alteram scripturam sine vlla versus iniuria non admittat, vtpote quum ecthlipsi literæ *M* minimè sit ei opus. Imò verò vbi eā postulat, tunc in adiuncto accusatio huic nomini, potius quàm in ipso, illam fieri animaduerti. vt,

Ingentem AEnean duxit, stratisq; locauit.
potius quàm *AEneam ingentem*, facta eli-
fione in illo substantiuo. Sic alibi,

*Indigetem Aeneā scis ipsa & scire fa-
teris*

*Deberi cælo. potius quàm Aeneam indi-
getem.*

In huiusmodi ergo locis non habemus unde suspicemur, eum Aeneam potius quàm Aenean scripsisse, litera N. Contrà verò ubi nisi cum hac terminatione stare versus nequit, eum illa usum esse credamus necesse est. ut hīc,

*Tum verò Aenean auersum vt cedere
Turnus Credidit.*

Sunt autem adeò multi qui hanc scripturam exigunt, vt in recentioribus quoque editionibus quæ aliqui id discrimen obseruare voluerunt, versus tamen nonnulli Aeneam habeant, qui hanc scripturam nullo modo ferre possunt. Quæ quidem nuper attentius consideravi quod in animo habarem (vt nunc quoque habeo) ipsius Maronis poemata cum quibusdam in ea obseruationibus, meo typographeo committere. Fortassis autem & de accusatiuo nominis Anchises idem dicendum fuerit: ideoque miror cur in iisdem editionibus Aenean quidem cum N scriptum non sit nisi ubi mensura versus hanc scripturam postulat, at Anchisen, in iis etiam locis, ubi non

minus cum Anchisem stare versus potest,
scripserint.

VENIO ad *Penelopa*, *Semela*, & alia id genus, ut de hac quoque terminatione quod sentio dicam. Primum quidem non dubito quin prisci qui Pelia quam Pelias dicere malebant, itidem *Penelopa* & *Semela* potius quam *Penelope* & *Semele* dicerent. Ac quum fuerit comicis maius retinendæ Latinæ terminationis studium quam cæteris (ut iam duobus diuersis exéplis ostendi) facile crediderim *Penelopam* apud Plautum genuinam & germanam esse scripturam. Itidem Horatium *Circæ* non *Circes* scripsisse hoc in versu,

Sirenum voces & Circæ pocula nosti,
grammaticus quidam affirmat: extantque qui huic scripturæ assentiantur codices. Sed etiamsi ita scripserit, non tamen hanc terminationem alteri prætulisse crediderim (quū ablatiō Circe & accusatiō Circen, sicut genitiō Penelopes & accusatiō Penelopen, alibi vtatur) sed potius ηακόφωνον illud δμοισπέλευτον quod efficitur ex genitiō *Circes*, præcedente nomine *voces*, vitare voluisse. Hoc quidem certè fatendum est, nomen *Hecuba* velut quadam prærogativa ita vñi receptum fuisse, ut minus quam

aliud vllum ex eiusdem classis nominibus, illa sua terminatione Latina videretur offendere. Adeò quidem ut nostræ etiā aures multo magis his terminationibus, *Hecuba*, *Hecubæ Hecubam*, quàm istis, *Penelopa*, *Penelopæ*, *Penelopam*, vel *Semela*, *Semelæ*, *Semelam*, aut *Circa*, *Circae*, *Circam*; acquiescere videātur. Quid si verò ob syllabæ mutationem quæ in illo nomine facta fuit, mutādo *η* in *cu*, simul etiam terminationis mutatione facilius recepta fuit? Fortasse tamen & de aliquot aliis quibus nihil tale contigit, idem dici queat. Inter quæ non postremum fuerit *Helena*. quanuis potius *Helene*, & *Helenes*, & *Helenen*, apud poetas cum alios tum Nasonem habeamus, vt *Hermione*, *Hermiones*, *Hermionen*. Apud Maronem extat quidem genitiuus *Helenæ*, si non mentiuntur exemplaria: sed quum hæc terminatio, etiā si in genituo vitaretur, in datiuo minimè vitari posset: ideo fortasse & in hoc nomine & in aliis, potius genituo Latino quàm nominatiuo aut accusatiuo datus fuit locus. Atque ut huic disputationi finem imponam, in quolibet nomine molliorem esse Græcæ quàm Latinæ terminationis sonum existimo: nec tamen eos qui *Penelopa* vel *Semela* dicunt, & obliquos huic nominatiuo conuenientes usurpant, reprehende-

rim (præsertimque in quibusdam urbium nominibus , vt in *Theffalonica* apud Claudio num) sed tantum *δέξαίζεν* dixerim : at verò qui nec *Penelopam* nec *Penelopen*, sed, duas linguas in una voce confundentes, *Penelopem* scribunt, cum **E M**, non cum **E N**, aut **A M** , eos vt grauiter in terminatione errantes , reprehendendos grauiter esse dico. Et tamen apud Fabium eodem modo *musicem*, non *musicen* , non una editio habet.

Fortassis autem reprehensionem merentur & illi qui pro *Cythere*, Κυθήρη, dicunt *Cythera*, de Venere: quod, quum Cythera, Κύθηρα, genere neutro , plurali numero , nomen sit insulæ & urbis , vnde cognomen ipsa Cythere accepisse traditur , discrimen hoc obseruatum à Latinis fuisse sit verissimile. Idemque de aliis ubi idem contingit, iudicandum puto.

Q V O D D E Penelope & Penelopa , de Semele & Semela , aliisque propriis nominibus dictum modò fuit, idem de *Grammatice* & *Grammatica*, de *Rhetorice* & *Rhetorica*, aliisque huiusmodi, dicendum quis existimet. Sed ego aliquam afferri posse rationem arbitror ob quam Latini terminacionem simul & declinationem Græcam in his quām in illis studiosius seruauerint. Nimi-

EO H E N R . S T E P H . A D M.

rūm quòd credibile sit eos terminationem hanc Latinam , *Grammatica*, *Rhetorica*, adiectiuo relinquere maluisse. veluti quum dicitur *Grammatica doctrina*, *Grammatica oratio*, *Ars grammatica*. Hoc saltem constat, multo plures autorum locos terminationē illam Græcam , quām hanc Latinam , habere: & quotidie ex veterum codicūm autoritate illam pro hac reponi.

Sed videndum ne *Grammatica*, *Rhetorica*, *Dialectica*, *Physica*, *Musica*, quæ antea docui esse τὰ γραμματικά, τὰ ῥητορικά, τὰ Διαλεκτικά, τὰ Φυσικά, τὰ μουσικά, aliquis falso credat esse ηγραμματική, ηρίτορική, itidēmque in cæteris. Quod tamen contingere non potest vbi genitiuus aut datiuus aut ablatiuus pluralis inuenitur : veluti in iis quos attuli locis : ad quos lectorem remitto: cum admonens præterea ne quibusdam fidem habeat, qui docentes declinationem nominis Grammatice, huic eius singulari Grammatice , grammatices, &c. pluralem istum adiunxerunt , Hæc grammatica, Horum grāmaticorum , His grammaticis.

¶ P O T E R V N T ad hoc de terminatione caput pertinentia nonnulla colligi & ex iis quæ de niendosa declinatione dicta sunt(vt vitiosa est ablatiuorum terminatio, *Ianthe*,

à nominatiuo *Ianthis*, pro Ianthide: & *Charybde*, à nominatiuo *Charybdis*, pro Charybdi) poterunt ex iis etiam sumi quæ in capite de mendoza quarundā vocum scriptura dicentur. Verūm antequam hoc claudam, de voce quadam differendum est ante paucos annos usurpata, in qua mirum est terminatione Græca, sine vlla ratione, reiecta, Latinam fuisse assumptam. Ea est *Nomocanonus*, ex Græca *νομογάνων* facta. At ego aut *Nomocanon* terminatione Græca, aut certè pro simplici *κανών* itidem *canonus* dicendum esse aio. Quòd si hunc sonum nullæ aures ferre possunt, miror aliquas inueniri quæ illum tolerare queant. Si forte tamen aliqua terminatiōni huius nominis *Nomocanonus* insit canonici iuris cautela, quam ignorem, de illa moneri cupio.



De quibusdā adiectiuis nominibus ex Græco sermone sumptis, sed terminatione Latina deformatis. C A P. V.

D IX I in proximè præcedente capite cum de aliis qui circa terminatiōne committuntur erroribus, tum verò de nouo quodam qui à paucis annis introductus est,

in nomine substantiuo *Nomocanonus*: nūc de quibusdam adiectiuis nominibus, quæ quum ex lingua Græca prodierint, terminazione Latina deformata fuerunt, verba sum facturus. Primum autem exemplum, & quidem ex iisdem libris vnde substantiuum illud *Nomocanonus*, petitum, est *synodalis*. Cur enim, quum substantiuum synodus dicentes, Græcam vocem (cuius scriptura est οὐώδος) usurpemus, non itidem *synodicus* adiectiuum ab iisdem Græcis non mutuamur? & *synodalis constitutio* potius quam *synodica* dicimus? Præsertim quum illius terminationis formam sequendo, pro οὐωδικῶς dicere non *synodicè*, sed *synodali-* ter oporteat: quod auribus multo etiā quam illud nōmē est asperius. Idem & de *Patriarchalis* dicendum est. quum enim *Patriarcha* sit πατριάρχης, cur iam Græcam linguā relinquentes, vel potius Græcam cum Latina commiscentes, adiectiuo *Patriarchalis* pro *Patriarchicus* utimur? Verūm vt à vocabulis quorum usus minus latè patet, ad aliud veniam cuius significatio est eiusmodi vt eo quilibet frequenter opus habeant, cur, quum nomen substantiuum *Grammatice* sermo Græcus Latino commodauerit, non itidem adiectiuum *Grammaticus* inde su-

munt quidam, sed pro eo *Grammaticalis*
barbare dicere non erubescunt: V si eo sunt
(dicent) cum alii quidam, tum verò Sidonius
Apollinaris, in his versibus,

Quicquid rhetoricae institutionis,

Quicquid grammaticalis aut palæstræ est.

Quasi verò nō ii etiā qui Sidoniū multorū
annorum spatio præcesserunt, barbara ple-
raque habeant. Numirum suo versui quām
Latinitati seruire maluit. alioqui enim ut
rhetoricae, sic etiam *grammaticæ* dixisset. Vi-
cissim enim si *grammaticalis* admittatur, &
rhetoricalis admittēdum erit: si & *rhetoricalis*, certè & *dialecticalis*, aliisque id genus nō-
nulla. Sed in tam putidis vocabulis diutius
immorari nolens, hoc vnum addo, tantum
abesse ut Latini nominibus huiusmodi ex
Grēco sermonē sumptis Latinam termina-
tionē darent, quum ex substantiis adiecti-
ua facere vellent, ut contrà quædam ex iis
quæ planè sua erāt, nihilque linguae Græcæ
debebāt, terminatione Græca vestirent. Ab
Epistola tamen non *Epistolicus* tantum sed
etiam *Epistolaris* dici posse creditur. Atque
adeò apud Martialem lib. xiiii, cuidam di-
sticho præfixum est hoc lemma, *Chartæ e-
pistolares*. Sed non perinde fides hisce ver-
bis habetur, acsi suis ipse poeta versibus ea

inclusisset. Sicut tamen *epistolaris* h̄ic affertur pro *epistolicus*, ita *quantitas syllabaria* pro *quantitas syllabica*, dicunt quidam. In syllabicæ autem quantitatis mentione recordor, non nullos Græcam illam terminationem i c v s (nimirum à Græca ΙΚΟΣ profectam) non bene alicubi usurpare, in compositione: veluti quum dicunt *Declinatio parisyllabica* & *imparisyllabica*. Neque enim dubium est quin dicendum sit *parisyllaba* & *imparisyllaba*. Siquidem Græcè nō dicitur ισοσυλλαβικὲς & αἱ ισοσυλλαβικὸς (quia tunc duo adiectiva copularentur) sed ισούλαβος & αἱ ισούλαβος.

E S T E T I A M vbi terminatione Græca minus fortasse tutum sit vti quam Latina: vt in nominibus quæ Ἰθνικὴ vocantur. Qualia sunt, Μεγαρῶς, à Μέγαρῃ: & Πεινῶς, à Πεινῇ. Nam vt pro Μεγαρῶς dicitur *Megarensis*, ita pro Πεινῶς quin *Prieneensis* rectè dicatur, dubitari non potest: an verò & Prieneus satis Latinum sit, aliquis in dubium vocare possit, quanuis eo Sidonius Apollinaris utatur.

De quibusdam vocabulis in quibus ab orthographia receditur.

S I V E

De cacographia, vel mendosa scriptura, quarundam vocum.

C A P. VI.

NO L I M à me expectare lectorem quod fortasse, nisi præmoneretur, ab huius capituli titulo expectaret: nimirum ut quodam grammatico more ipsas etiam huius argumenti minutias persequar: & quām multis in locis litera quæpiam Latina locum Græcæ apud plerosque occupet, commenorem. Pauca enim tantum huius generis menda (eaque insigniora & magis latentia) recensuisse contentus, ad maiora venire decreui. Incipiam igitur à nomine *Bosphorus*, & quærar quid hīc agat litera *h*, quum Græcè dicatur *Βόσπορος*, non *Βόσφορος*. Possem autem vicissim proferre multa quibus eam literam (siue eum afflatum, vt Varro appellat) in Latino sermone plerique inserūt, quum tamen à Græcis per τ non Σ scribantur. Sed transibo potius ad diphthongum *AE*, & interrogabo cur illam
e.i.

omittentes in plerisque vocabulis è Græco sermone sumptis , quibus perhæc necessaria est, (si qua habeatur ratio deductionis) contrà *Læonis* pro polito scribant, ea vtentes, quum Græci dicant λῆιος. Rogabo cur eadem diphthongo vtantur in plerisque adiectiuis quæ itidem ει non αι apud Græcos habent. id est, cur *Orpheus* scribant, *Vlyssæus*, *Achilleus*. Item cur hanc ipsam diphthon-gum & nonnunquam mutent in i, scriben-tes nimirum *Xenophontius* & *Thucydidius*, pro *Xenophonteus* & *Thucydideus*. Ve-rùm super hac ipsa diphthōgo quæstionem maioris momēti doctis etiam proponam: nimirum quomodo ει in i breue à mutari Latinis existiment: adeò ut ex χειράρχᾳ pos-sint chiragra facere, prima correpta: itidémque χειρυργῷς vertere in chirurgus prima breui. Aduocabitur statim Martialis versus,

Sed nil patrono porrigit: hæc chiragra est.
Verùm quis Martialem ita scripsisse persuadere sibi poterit? Nisi forte idem arbitretur, eum, quum dixit de poetis Græcis,

Sed Græci, quibus est nihil negatum,
Et quos ἀρετὰς decet sonare,
tantam credidisse illorum esse licentiam vt etiam χειράρχᾳ prima vel producta vel correpta possent pro arbitrio sonare. Atqui si-

quis hoc sibi persuaderet, non *Martialis* non
mini sed suo magnam iniuriam faceret. Eò
tamen (quod planè ridiculum est) res ve-
nit, vt quidam grammatici lepidam hanc
quæstionem mouerint , an liceret in *chir-
agra* primam syllabam producere , quum
Martialis eam corripiat. O grammaticis a-
grammatiſ dignam quæſtionem. Evidem
quicunque *chiragra* ibi tueri volunt , aut
non didicisse aut obliiti esse videntur , Græ-
cos non ſolū *χειρα* ſed *χειρα* quoque dice-
re: ideoque *chiragra* Latinos dicere poſſe
prima producta , ſequendo vulgarem ſcri-
pturam , *χειραρχα* : ſed licere illis *cheragra*
quoque dicere , prima correpta, tanquam à
χειραρχα. Prudenter itaque Ioannes Secun-
dus (poeta viii vlli poetarum nostri ſeculi
ſecundus) *cherurgus* ſcripsit, quum primam
corripiendam ſibi videret, in hisce hendeca-
ſylibis oppidoquam lepidis,

Es simul medicus, ſimul cherurgus.

Cur? mittis Stygium viros ad orcum

Et manu simul & ſimul veneno.

Contrà verò quidam , illam grammatico-
rum dubitationem ſequens, non *cherotheca*
ſed *chirotheca* ſcripsit : quanuis primam
corripiens , in his verbis quibus pentame-
trum claudit,

-terfa sit chirotheca manu.

Verum ut haec nomina relinquens, ad alia quædam pergam, qui fit, obsecro, ut quum Græci dicant *σπαθίγμα*, sitque verbale à *σπάθῃ*, hoc autem à nomine *σπάθης* originem habeat, tamen *strategema* non *strategema* maxima pars hominum dicat? Quid verò dicemus de eo qui (ut error errorem parit) non solum ita scripsit, sed etiam literam A quæ locum literæ E occupat, corripuit?

Nobile magnanimi dicat strategema Philiippi.

Credibile est certè iam inueteratum error rem oculos illi, quod ad syllabæ quantitatem attinet, præstrinxisse. Gallica nostra lingua hanc vocem à Græcis, ut alias quamplurimas, est mutuata: sed ita ut ipsa quoque *Strategeme* dicat pro *Strategeme*. Certè siue ex ipso Græci sermonis fonte istud vocabulum hauserit, siue iam in Latino inuentum ex eo acceperit, non dubium est quin erroré illum foueat (sicut de alia quædam voce dictum à me antea fuit) foueant verò eundem & multa exemplaria, etiam quæ manu sunt scripta.

Ptolemaeus dicendum esse constat, ut Græcè Πτολεμαῖος: cur igitur non vulgus

tantum sed alii etiam nonnulli *Ptolomeus* dicunt? Evidem & hic Gallica lingua fautrix erroris dici queat: quippe quae dicere soleat *le roy Ptolomee, non Ptolemee.* Hoc tamen in nomine multo pauciores labuntur, quam in *Dionysius*, de Baccho. quum enim Bacchum a Græcis vocari Διονυσον constet, non Διονύσιον, quotusquisque tamen aliter quam Dionysium eum appellat? Peccatur & in quibusdam nominibus Αθηναῖς, eiusdem litteræ interiectione: ut in *Bæotius*. Multi enim pro *Bæotus* dicunt *Bæotius*: quasi Græcis Βοιωτός & Βοιωτίος diuersum usum non haberent, ut Latinis Italus & Italicus. Quidam verò in quarundam vrbium nominibus peccant, dum ex parte tantum esse Græca sinunt: ut qui ex *Adrianopolis* faciunt *Adrianipolis*. Eodem certè iure (siquid iuris hic est) *Constantinopolis* in *Constantinipolis* possent vertere.

Quod si & alia quae ignari Græcae linguæ deprauant cōmemoranda hic essent, adderem superioribus appellatiuis nominibus *idolatra* (sequendo & hic Gallicam linguam) pro *idololatra*: item *metoscopus* pro *metoposcopus*: necnon & alia his adiungarem. Sed quorundam similiū errorum qui illius etiam linguæ peritis obrepunt, fa-

cere mentionem malo. Ex his est *Nemæus* leo pro *Nemeæus*, νεμέαῖος λέων. Cui planè similis sed magis inueteratus est error in nomine *Piræus* pro *Piræus*. Quanuis enim nihil manifestius esse possit quām ex Πειραιῷ effici Piræus, terminatione Latina, factum est tamen nescio quomodo ut Terentii & Ciceronis exemplaria hic error occuparit. & ita quidem ut quanuis Ciceronis editiones posteriores & integrum lectionē habeant, & Terentio eam reddant, Terentianæ contrā omnes eum errorem foueant. Afferam autem prius Ciceronis locum. Is extat libro epistolarum ad Atticum septimo, *Venio ad Piræa. in quo magis reprehendendus sum quod homo Romanus Piræa scripserim, non Piræum (sic enim omnes nostrī locuti sunt) quām quod in addiderim.* Non enim hoc ut oppido præposui, sed ut loco. Et tamen Dionysius noster, & qui est nobiscum Nicias Cous, non rebatur oppidum esse Piræa. Sed de re videro. nostrum quidem si est peccatum, in eo est quod non ut de oppido locutus sum, sed ut de loco. secutusque sum, non dico Cæciliū, Mane ut ex portu in Piræum (malus enim autor Latinitatis est) sed Terentium, cuius fabellæ propter elegantiam sermonis putabantur à C. Lælio scribi:

Heri aliquot adolescentuli coimus in Piræum. Et tamen apud Terentium, vti dixi, Piræum, non Piræum legimus. Obiter autem velim & accusatiui *Piræa* terminacionem illic considerari, propter illa quæ à me tea de illa fuerunt dicta.

Cæterū ut superiora vocabula in medio decurtantur, seu mutilantur, sic quædam in extrema sui parte. veluti quum ea cui nomen est *Nausicaa*, *Ναυσικα*, vocatur *Nausica* ab Erasmo aliquot in locis. Quædam verò & in principio aliqua litera priuantur, vt medici quidam *asma* & *asmaticus* & pronuntiant & scribūt: non quòd de cantu cogitent illi quidem, sed quòd *asthma* esse nomen illius morbi quem significare volunt, *asma* appellari cantum ignorent.

Superioribus autem nō addidi errorem eorum qui *exanclare* pro *exantlare* scribūt, quòd satis notum & conuictum esse putarē: at nunc recordatus à quibusdam scripturam illam defendi, monendum de eo lectorem, simūlque aliam quoque verbi *exantlare* originem ei proponēdam cēsui. Quanuis enim deductionem à verbo ὀξαγλέων non improbem, quæro ánon & aliam habere possit, nimirū à verbo ὀξαντλάειν. Magno quidem certè est in vſu αὐαγλᾶν πίνοις.



*De nominibus Græcis quarundam figurarum
partim apud grammaticos, partim a-
pud rhetores, quæ in Latino ser-
mone deprauata sunt.*

C A P. VII.

GRAMMATICI pleriq; inter sche-
mata seu figuras orationis, quandam
recensent quā *liptoten* appellant, Græ-
cum, vt aiunt, nomen retinentes. Si tamen
Græcos grammaticos, scholiaстas, lexico-
graphos, glossographos, omnes ad vnum
consulas, quid hoc verbi sit in Græca lin-
gua, ignorare se vno omnes ore responde-
bunt. At si eosdem rōges ánon figuram
quandam norint quæ vocetur λιπότης, vix
vltimam huius vocabuli syllabam protule-
ris, quum id sibi optimè notum esse respon-
debunt. Erunt tamen hodiéque fortassis
qui mordicus scripturam illam refinere vo-
lent, & Seruji autoritate suam tueri causam
conabuntur. Legitur enim apud illum Li-
ptote, inquiet. At ego *liptotes* quidem, sed
non *liptote*, apud eum me legisse pleris-
que locis, respondebo. Viciniorem au-
tem veritati esse hanc scripturam *liptotes*,

id est, vestigia veræ lectionis (quæ est *litotes*) magis retinere, nemo inficiari poterit: nisi qui ignorabit Græcè scribi λιτότης. Verum nequid fingere dici possim, ex multis Seruii locis in quibus illa vox legitur, paucos proferam. Quorum lectionem ideo non iniucundam fore spero, quoniam siquid sit in illa tædii, pulcherrimis præstantissimi poetæ versibus velut condietur. Inutilem quidem certè minimè futuram scio, quum figuræ huius aliquot exempla diligēter obseruata, in multis poetarum locis iudicium lectoris adiuuare & confirmare possint. Incipiam autem ab eo vbi hanc figuram definit. In hunc igitur locum libri primi AEneidis,

ÆEolus hac contrà, Tuus, ô regina, quid optes,

Explorare labor, mihi iussa capessere fas est. annotat, *Mihi iussa capessere fas est, Figura est liptotes: quæ fit quotiescūque minus dicimus, & plus significamus, per contrarium intelligentes. ut hoc loco, non ait, Licet mihi implere quæ præcipis: sed, nefas est non implere quæ iussérис. Item, Munera nec sperno.* *Id est, libenter accipio.* Eodem modo in istum locum libri vltimi eiusdem poematis,

Scis ut te cunctis unam quæcumque Latinæ

*Magnanimi Iouis ingratum ascendere
cubile,*

*Pretulerim, ista scribit, Liptotes figura per
contrarium. plus enim dicit, & minus signi-
ficat. nanque alias omnes est persecuta, huic
verò libenter indulxit. Et dicit se hanc omni-
bus prætulisse, quasi etiam alias in honore ha-
buerit. Tale est & illud Salustianum, Mare
Ponticum dulcius quam cetera. quum nul-
lum dulce sit. Idē in hunc versum Georg.
lib. i i , Et gens illa quidē sumptis non tarda
pharetris, scribit, Non tarda, id est strenuissi-
ma. nā liptotes figura est. Non multo pōst, in
hunc versum, Miscuerūntque herbas & non
innoxia verba, annotat, Liptotes. id est no-
centissima. Item vbi scribit hic poeta (ni-
mirum Georg.lib. i ii) Nec tibi cura canum
fuerit postrema , hac ipsa figura vsum esse
poetam tradit, & quidem eam illo eodem
nomine hīc quoque appellans. *Liptotes* (in-
quit) pro , *Magna tibi cura sit canum* . In
hunc eiusdem libri versum, Nec mihi disipli-
ceat maculis insignis & albo, habēt ista illius
commentarii , *Liptotes figura. id est, valde
placeat. ut, Munera nec sperno.* Quæ verba,
tanquam familiarissimum figuræ huius ex-
emplum, alibi etiā affert: ut videbis in duo-*

bus qui proximè sequétur. Quos ideo præcedentibus adiungo, quoniam in illis hæc ipsa figura, non iam *liptotes* sed *litotes* ab eo nominatur. In his igitur Maronis verbis, *Quid prodest quòd me ipse animo nō spernis Amynta*, figuram illam esse admonens, hæc scribit, *Animo non spernis, id est Libentissimè amas. Et est litotes figura: sicut, Munera nec sperno.* In hūc quoque versum libri primi Georgicān, *Nec nulla interea est in aratæ gratia terræ*, ab eo scribitur, *Litotes figura est. id est, maxima & præcipua. ut, Munera nec sperno.* Fortassis autem sunt & alii apud eundem grammaticum loci, vbi vera lectio seruata fuit. Verùm etiamsi ne vñus quidē veram illam lectionem haberet, in tantum grammaticum quomodo tam crassi erroris suspicio cadere posset? Evidem vel litera s quæ in aliis locis itidem habetur, vbi litera p inserta scribitur *liptotes*, cum hac suspicio liberat. Potius enim *liptote*, vt grammaticorū vlgus, scripsisset, quām *liptotes*, cum s. Ac fortassis aliquis illud eorum cōmentum quo figura hæc appellata dicitur *liptote*, à verbo λειπειν, pro oraculo habens, me illi nō acquiescere mirabitur. *Liptote* (inquiūt) est defectio. à λειπω, id est deficio, vel linquo. Sed noua quædam lingua Græca quærenda

fuerit quæ tale verbale à tali verbo peperisse dicatur. At verò *litotes*, id est λιτότης, à nemine in Græcis literis mediocriter saltē versato non agnoscetur. Agnosci quidem certè debebit, quum manifesta sit ab adiectuo λιτὸς deductio: perinde videlicet acsi is qui hac figura vti dicitur, parcus loqui dicetur. Ac profectò quum nihil sit aliud quām extenuatio quædam eius quod intelligi volumus, videri posset μείωσις ad eandē significationem posse accommodari: Fabius tamē μείωσιν esse scribit quum sermoni deest aliquid quominus plenus sit. Sed ego περὶ λιτότης nequaquam λιτῶς differui: in eorum certè potissimum gratiam qui toties hoc nomine *liptote* marginem librorum Virgilii insignierunt.

A B I I S D E M, nimirum à grammaticis, figura quædam poetica vocatur, Græco, ut aiunt, nomine, *Endiadys*, vel *Hendiadys*: multūsque est illorum de hac sermo: quum tamen sermo Græcus nullam figuram quæ ita nominetur, agnoscat. Quis enim apud eos vñquam ἐνδιάδυς legit? (nisi forte alicubi participiū ἐνδιάδυς extet à verbo ἐνδιάδυειν) At si ἐν Διὰ δύον dixeris, aut etiam ἐν Διὰ δύο, tum verò & illi quorū aures barbariei nondum sunt assuetæ, figuræ cuiusdam

nomē à se agnoscī fatebuntur. Neque verò est quòd recentiores illi grāmatici qui *Hendiadys*, siue *Endiadys*, aut etiam *Endyadys*, scribunt, Seruum sibi patrocinari putent: quòd apud eum quoque scriptum sit *endyadis*. nam in hunc Maronis locum, Aeneid. lib. i,

-molémq; & mōtes insuper altos Imposuit,
annotat, Id est, molem montis. Et est figura
endyadis: ut una res in duas diuidatur, me-
tri causa interposita coniunctione. ut alibi,
Pateris libamus & auro. Id est, pateris aureis.
Aliáque multa eodem pacto à Marone di-
cta esse admonet, nullam figuræ mentionem
faciens, sed dicta esse tradens eo modo quo
Molémque & montes. Nam In breuia &
syrtes ita dici ait pro In breuia syrtium: & Ar
boribus atque umbris pro Umbris arborum.
Item, Hic membris & mole valens, pro Mo-
le membrorum valens. Sed sunt etiam loci
vbi in mentione eiusdem generis loquendi
exemplaria habēt, ἐν Διὰ δύον, vel ἐν Διὰ δύο,
quāuis figurā esse non dicat, ut in coquem
primum attuli loco. Siquidem in hæc verba
Georg. lib. II, Pateris libamus & auro, scri-
bit, Pateris aureis. ἐν Διὰ δύο. Et in istū ver-
sum Aeneid. v, Quid si quis cæstus ipsius &
Herculis arma Vidisset? annotat, Cæstus &

arma, & ἀλλαχοῦ. *Arma*, id est cæstus. Iam igitur eiusdem Seruui autoritate, qua suum errorem excusatari erant, aperte accusari vident. Quum autem de Seruio loquor, de exemplaribus commentariorum eius intellico. Etiam si enim in omnibus locis *endiadis* vel *endyadis*, siue *hendiadys* aut *hendyadis*, scriptum esset, nihil minus tamē quām tanto viro imputandus tantus 'error esset. De quo etiam quum tot verba facio, lumē soli admouere velle mihi videor: sed vicissim dū mihi cum quo genere hominum sit negotium cōsidero, & marginē multarum Virgilii editionū sicut superiore illa *liptote*, ita etiam hac *endiadys* foedatum recordor, manum de tabula ponere vix queo. Quid quod ab *endiadys* fecerunt etiam accusatum *endiadyn?* nempe hoc restabat. Obiter autem lectorē monitum volo de exemplo quod ultimum ex Seruio attuli, in eo Virgilii loco, si eius expositionem sequamur, non tam figurā hanc & ἀλλαχοῦ, quām εἰπεῖν οὐδὲ ibi esse mihi videri. Præterea, me ab iis dissentire qui nullum figuræ illi & ἀλλαχοῦ in soluta oratione locū esse tradunt (quauis & ipse Seruius hoc scripsisse feratur) quū in locis nonnullis eam obseruarim. Sed heus tu lector, aliam præterea quandam fi-

guram, nouā tuis auribus fortasse futuram,
& quidem illi de qua disserui, planè contra-
riam, ex me, vel potius ex Donato , discito.
Ea est, dūo dī ēvōs. In hunc enim Andriæ Te-
rentianæ locum,

*Sanè pol illa temulenta est mulier & te-
meraria,*

*Nec satis digna cui committas primo par-
tu mulierem,*

hæc scribit in postrema verba, *Duas res, nec
parientē, nec primo partu. Figura, dūo dī ēvōs.*
*ut Virgilius, -non me tibi Troia Externū
tulit. Et, Dum domus Aeneæ Capitoli im-
mobile saxum Accolet. Meminit verò &
alibi eiusdem figuræ.*

V T A V T E M in figura Endiadys siue
Hendiadys præcipua deprauatio in eo ver-
satur quòd tres voculæ in vnam sint confa-
tæ, sic in *hyphen* duarum in vnam confla-
tione peccatur. Sed illi quidem figuræ accu-
satiuum dederūt *Endiadyn*: at huic *Hyphen* Vide ēt in Para-
lip. Inst. Gram.
pag. 91.
diuersum à nominatiuo accusatiuū inueni-
re non potuerūt. Tradūt igitur per *hyphen* dī
xisse Maronem *antemalorum*, hoc in versu,

-neque enim ignari sumus antemalorum.
Profectò multos esse scio qui norint qui-
dem quis sit usus figuræ *hyphen* (si modò &
hoc figuris annumerari debet) sed tamen

quid hoc vocabulum sonet ignorent . Atque adeò ex iis. ipsis qui *hyphen* corruptè dici cogitant pro ὑφ' ἐν , paucis in mentem venit quid cum illo ἐν subaudiri debeat . Discat igitur , grammaticos Græcos , quum dicunt ὑφ' ἐν , breuitatis causa omittere substantiuū μέρος : rursusque cum hoc substantiuo subaudire genituum λόγου . Perinde est enim acsi dicerent , ὑφ' ἐν μέρος λόγου , id est *Sub unam partem orationis* . quoniam videlicet quæ ad duas orationis pertinent partes , in unam coniunguntur . Quum autem ὑφ' ἐν ita dici à Græcis persuasissim quidem mihi , sed nullius grammatici testimonio pertinacibus probare possem , incidi tandem in quosdam Græcorum scholiastrarum locos , qui meam istam opinionem abundè confirmarunt . Eorum unus est apud enarratorem Aristophanis . Desinant igitur ita loqui ut dicant hoc vel illud dictum est *per hyphen* : quod perinde est acsi diceretur , *Per sub unam partem orationis* .

v o c e m *amphibologia* superioribus addam necesse est , nisi præuaricator in ea quam agendam suscepi causa esse velim . Neque verò aduersariorum multitudo me à ferenda de hoc quoque vocabulo sententia deterrebit . Aduersarios voco qui non solum

solùm ad hunc vsque diem *amphibologia* mendosè dixerunt, sed etiam posthac, licet à me admoniti, in eo perseuerare volent. Aliā certè huius erroris in quem adeò multi inciderunt, nō esse originem crediderim, quām quòd huius nominis eādē debere esse putauerint terminationem quę est horum, Perissologia, Tautologia, Palillogia, Brachylogia, Macrologia. Quid quòd illa quoque scriptura *amphibologia* in Seruī commentarios intrusa fuit? Nam in hunc locum Aeneid lib. x,

*Affaracique duo, & senior cum Castore
Thybris,*

hæc scribit, *Possimus & solum Thybrim senem accipere: possimus & Castorem, si legamus, Et senior cum Castore. nam amphibologia est.* Atque alibi itidem *amphibologia* apud eum legitur. Verùm si reuiuisceret tantus grammaticus, hoc eum in suo dolore solaretur, atque adeò magnam illi doloris sui partem leuaret, quòd librarios non vbiq; sibi similes, id est, non vbiique vel socordes vel temerarios, commentarii eius habuerint. Quemadmodum enim antea ostendi veram præcedentium vocabulorum scripturam alicubi emergere, ita etiam de hoc dici potest. Extant enim apud eundem aliꝝ

loci vbi librarii *Amphibolia* & *Amphibolon*, aut etiam utrumque, nobis integrum reliquerunt. ut in hunc versum Aeneidis lib. 1,

*Aurea subnectens exertæ cingula mam-
mae Bellatrix,*

annotat, *Amphibolon est hoc loco, utrum ipsa aurea, an aurea cingula. Sciendum tamen, plerunque amphiboliam metri ratione dissoluui, &c.* Verum quum mirum in modum inueteratus sit error huius vocis *amphibologia* pro *amphibolia*, & cū aliquorum multorum, quorum singulis propè diebus libri in lucem prodeunt, tum verò Erasmi (qui & ipse passim ita scribit) autoritate nitatur: ne quis talem scripturam (id est hunc manifestum errorem) stultè defendere conetur, eum apud se considerare iubebo, non posse dici *amphibologia* quin præcedat *amphibologos* (quemadmodum *brachylogos* prius est quam *brachylogia*, & *macrologos* prius quam *macrologia*: necnon adiectiuum *perissologos* ante substantiuum *perissologia*, imaginemur necesse est, itidemque in ceteris) At qui *amphibologos* non potest componi nisi ex *amphibos* & *logos*: sicut *brachylogos* ex *brachys* & *logos*, sicut *macrologos* ex *macros* & *logos*, eodemque modo cetera: & ita tandem eis τὸ ἀτομή deducti erimus, quum il-

DE A B V S V L I N G. GR. 8;

Iud *amphibos* nihil magis Græcum sit quām Latinum: sed *amphibolos* dicendum sit, ei quidem certè qui Græcè loqui velit. Adeò vt si hoc adiectium cum λόγος componat, dicere cogatur ἀμφιβολολόγος & ἀμφιβολολογία, utpote syncope nullum in talibus locum habente. Sed tunc ita fuerit Græcus hic sonus , vt barbaræ potius quām Græcæ aures eum ferre possint.

N O M I N I S *etymologia* similis prædēti terminatio ipsum mihi in memoriam reuocauit, quum alioqui nec sit itidem figura , nec eadem de hoc quæ de illo dicenda sint. Neque enim mendosè dicitur *etymologia* , sicut *amphibologia* vitiosum esse vocabulum docui : sed in eius significatione à plerisque peccatur , quum *etymologiam* & *etymon* vnum idémque valere putant. quod certè perinde est acsi inter *aetiologya* & *ation* nihil discriminis statuerent.

F I G V R A quædam est quæ ab omnibus propemodum grammaticis appellatur *eclipsis*, quin *ellipsis* vocari debeat: & paucos esse video ex viris etiam doctissimis, quos illi in hunc suum errorem non pertraxerint. Quid refert (dicet aliquis) siue hoc siue illo nomine eam appelles? potestne tantillum in scriptura discrimen magnam

significationis differentiam afferre? Imò verò tantum inter hæc discriminis esse dico quantum esse potest inter illa quæ rectè & illa quæ secus dicuntur: nec magis illā figurā *eclipsin* dici posse pro *ellipsin*, quam solis *eclipsin* appellari *ellipsin*. Sed huic errori autoritatem quorundam etiam veterum scriptorum exemplaria dederunt. nam in ea quoque hic grassatus est. Quorum è numero est Fabius Quintilianus. Verùm qui veteres codices terere consueuerunt, & experientia sunt edocti quanta librariorum audacia fuerit, ne hoc quidem, vt opinor, mirabuntur. Est certè inde natus error, vt opinor, quòd *eclipsis* notissimum semper fuerit vocabulū, propter *eclipsin* solis (qua in significatione à lingua nostra retinetur) at *ellipsis* non item. Et quoniam non paucos fore scio qui me de re leui, vt paulo ante dixi, contendere existiment, visum est in eorum gratiam (præsertim si Græcæ linguæ sint studiosi) propriū utriusque usum attingere. Sumam autem à verbis vnde hæc nomina deducta sunt, initium: quū hæc illorum significationē sequi, vel, horum significationem ex illorum significatione pédere, necesse sit. Verba igitur illa esse ἀκλείπειν & ἀλείπειν, apertum est. Et ταῦτα ἀκλείπειν qui-

dem compositio manifesta est: ἐλείπειν au-
tem præpositionem nō seruauit integrum,
id est immutatam: quum sit ex ἐν & λείπειν.
Dicitur itaque ἐκλείπειν quod deficit, quod
non amplius extat, quod in natura rerum
esse desiit. vt si nihil auri vſquam reperi-
tur, dicendum esset, ἐκλείπει τὸ χρυσόν, vel
ἀλέιπει τὸ χρυσόν: at si aliis quidem aurum
esset & superesset, mihi autem deesset, dice-
rem, ἐλείπει με χρυσόν, vel τὸ χρυσόν. Quum
verò & aliis plerisque modis sibi peculia-
rem vſum habeat vtrumque horum ver-
borum (vt in meo Thesauro Græcæ linguæ
apertè docui) pauca duntaxat addam, ex
quibus ellipsis non eclipsin vocandam esse
eam figuram patebit. Eam contrariam esse
pleonasmo constat: quum ellipsis sit in ora-
tione cui aliquid deest quominus plena sit:
contrà pleonasmus, quum aliquid in ea re-
dundat. At ecce, verbo ἀλεονάζειν contra-
rium est non ἐκλείπειν, sed ἐλείπειν: vt vide-
re est cum apud alios, tū verò Isocratem &
Aristotelem. Atque hic ἐλείπειν & ἀφβάλ-
λειν inter se itidem opponit, eorumq; ver-
balia ἐλεγεις & ἀφβολή. Huc pertinet &
quod ἐντελῆς λόγος esse dicitur à grāmaticis
oratio cui nihil deest, in qua nihil est extrin-
secus assumendum, & subaudiendum (vt

grammaticè loquar) relinquitur. at τῷ γνωτελῆς opponitur ἐλλιπής, non ἀκλιπής. Ita & apud Athenæum quidam, τὸ δὲ δεῖπνον γνωτελῆς, καὶ μηδὲν ἐλλιπές. Item, ηγαλλωπλομήγινη dicitur Ἱεραπεύειν τὸ ἐλλιπές, nimis quæ pulchra est, sed nō ab omni parte: siue, quæ non omnibus pulchritudinis partibus instruta est. At verò anus quæ exacto pulchritudinis tempore, & effæcto iam corpore, pulchritudinem frustra quæret, dicetur frustra velle reuocare τὸ ἀκλιπές, seu τὸ ἀκλιπόν. Vtar & alio exemplo. Quem nōdum robur naturale deseruerit, seu destituerit, sed morbo aliquo debilitatum fuerit, dicetur aliquibus remediis Ἱεραπεύειν τὸ ἐλλιπές τὸ πάρησ, seu τῆς ἰχύος: at senex decrepitus, qui idem facere conabitur, dicetur & ipse frustra Ἱεραπεύειν τὸ ἀκλιπές, seu τὸ ἀκλιπόν. Fatoeū alioqui interdum in certo quodam genere loquendi utriusque usum in diuersis exemplaribus inueniri: ubi actiuam significationem habent, ideoque & accusatiuum. veluti apud Plutar chū in Agesilai vita, ὃ δὲν ἐλείψω περιμίας, pro hoc ἐλείψω quidā libri habent ἀκλείψω. Sed illorum exemplarium fidē vel viuis eleuare potest Xenophon, qui scribit, Cyri Pædiæ lib. IIII, pag. I x v, meæ editionis, περιμίας ὃ δὲν ἐλεί-

Ἄριθμον. Hactenus de his duabus vocibus, iis quidem qui peruicaces non erunt, nimium multa: at iis qui peruicaciter errorem suum tueri, & veritati (quæ vel me tacentे loquitur) aures occludere volent, nimis pauca.

AT VERO *ellipsis* apud quosdam ex recentioribus grammaticis inuenitur, non in ea quidem quam dixi significatione, sed pro literæ alicuius absumptione, quæ poetis est in usu. Verum eos non minore errore *ellipsis* in hac significatione scribere pro *eclipsis*, quam scribunt *eclipsis* pro *ellipsis*, apertius est quam ut mihi tot verbis hic quot illic sit opus. οὐδὲν enim esse elisionem, à verbo οὐδὲν, vel ii qui primoribus tantum labris Græcā linguā degustarunt, scire possunt. Apud Scruiū certè salua manuit huius figuræ appellatio, in vulgatis editionibus: non item altera de qua modò dictum fuit. nam apud eum quoque nominis *ellipsis* locum occupauit *eclipsis*.

AVDIVI qui *parasiopesis* & *aposiopesis* de una eadēmque figura dici existimarent. Sed diuersam quandam vim præpositionibus διὰ & ἡγέτη in hac compositione inesse sciat, quæ significationes illorum separat. *Parasiopesis* (inquit P. Rutilius Lupus) est schema, quū aliquid nos reticere dicimus, & f. iii.

tamen tacitum intelligitur. Et hoc utendum est, quum aut notam rem auditoribus esse arbitramur, aut suspicionem excitare maiorem reticendo possumus. Affertque duo exempla, vnum ex Lycурgo, alterū ex Hyperide: quæ apud eum videnda relinquo. At verò *apostropheas*, quæ iratis cōuenit, vulgare & insigne habemus exēplum in illo Maronis versu,

Quos ego sed motos præstat cōponere fluctus.

I N V O C E *dialogismus* error multo fœdior committitur à quibusdam: qui quum incidūt in locos vbi orator aliquis interrogationem quāpiam proponit, deinde ad eā ipsemet respondet, aiunt esse figuram quæ *dialogismus* vocatur: existimantes nimirum *dialogismus* tale quid esse quale *dialogus*: quum tamen διάλογος sit à verbo διαλέγεσθαι, (quanuis alioqui ab actiuis potius talia proficiuntur: ut à παταλέγειν, πατάλογος: & à περάλεγειν, περάλογος) at διαλογισμὸς à verbo διαλογίζεσθαι. Ideoque rectè Iulius Rufianus, de dialogismo loquens, *Hæc figura fit* (inquit) *quum quis secum disputat & voluntat quid agat vel quid agendum putet.* Et subiungit exēpla. ex Terentio, *Quid igitur faciam?* Item ex Virgilio, *En quid agam?* rursusne procos irrisa priores Experiar? Item ex Cicerone in oratione pro Cluentio, *Dem*

iudicibus? mihi igitur nihil quæretur. Et in Verrem, *Si pupillo redimitur, mihi præda de manibus eripitur.* *Quod est igitur remediū?* *Quod? ne liceat pupillo redimere.* Iam verò si quis mihi obiiciat, his etiā in locis oratorē ad suam interrogationem respondere, eum cōsiderare iubebo nō simpliciter esse interrogationem, sed interrogationem quādam *Διαπορητικήν.* vnde etiam fit vt hæc figura magnam affinitatem habeat cum ea quæ diaporesis appellatur.

DIASTOLE quoque est cuiusdam figuræ nomen: quamuis vulgo *diastole* esse putetur quæ à multis, Latinè se loqui existimantibus, distinctio vocatur: quum interpunctio appellari potius debeat. quo vocabulo purè Latino repræsentatur Græcum *στύγμη*. sic tamen vt ipsam quoque præpositionem exprimēdo, sit potius *diastýgmē*: sicut *διασίζειν* magis quām simplex *σίζειν*, repræsentaret verbum *interpungere*. Dicitur verò & *τασίζειν*, necnon *ταστύγμη*: cui opponitur *τελεία στύμη*. At *diastole* huc nō pertinet, quod sciam. neque etiam puto dictā à veteribus fuisse de aliqua nota distinctionis inter duas voces, ne per cōpositionem iungi putetur. Nihilo magis agnoscō quiddā aliud quod de hoc vocabulo traditur, nimirū

diastolen, vbi agitur de quātitate syllabica, vocari eā figuram quæ alio nomine *ectasis* appelletur. Hoc, inquam, inimicè agnosco: nec agnoscā, donec hæ significationes magis idoneis autoribus mibi confirmentur. At verò Diaстole necnon Paradiaстole de aliis quibusdam figuris dici, autoritate partim Publīi Rutilii Lupi, partim Iulii Rufiniani confirmari potest. *Diacope*, siue *Diaстole* (inquit hic) est quum inter duo eadem verba diuersum ponitur aliquid medium. ut, *Culpatusve Paris*, diuūm inclemētia diuūm. Et, *Duc age, duc ad nos*. Et, *Scis Proteus, scis ipse*. Latinè dicitur separatio. Idem, *Paradiaстole* est, quum similes res discernantur contrariis redditis. ut, *Triste lupus stabulis, maturis frugibus imbræ, Arboribus venti: nobis Amaryllidis iræ*. Et, *Dulce satis humor, depulsis arbutus hædis, Lenta salix fæto pecori: mihi solus Amyntas*. Latinè dicitur discriminatio. Ac nequis nullum apud oratores eandem figuram habere locum existimet, afferam & quæ Rutilius Lupus de ea scribit, licet aliter explicans. *Hoc schema* (inquit, de paradiaстole loquens) plures aut uas res, quæ videntur unā vim habere, disiungit: & quantum distent, docet, suam cuique propriam sententiam subiungendo. Exē-

plum autem ex Hyperide subiungit, quod eius liber legere cupientibus suppeditabit.

VERVM V T ad cacographiam quorundam nominum redeam, quemadmodum nonnullos eiusmodi errores quibusdam etiam vetustioribus grāmaticis communes cum recentioribus esse fateor (quod certè nominatum de *amphibologia* dici posse videtur) ita quidam inueniuntur qui planè recentem recentiorum barbariem redolēt. Cuiusmodi est *allæotheta*, *allæothetæ*, fœminino genere. Esse enim inde haustum vnde etiam illa, *Chronica*, *chronicæ*, *Biblia*, *bibliæ*, manifestum est. Illi autē *allæotheta* addere possumus *solæcophanem*, vt quod sit eiusdem farinæ. existimarunt enim ita dici *solæcophanes*, vt Aristophanes: ideoque similem accusatiuum illi dederunt. Corruerunt & aliis modis quædam: veluti quum scripserunt *prupergasia* pro ea figura quæ à Græcis *ωροπεργασία* nominatur: id est, *propergasia* deformarunt in *prupergasia*. Denique & aliis multis modis peccarunt, quos persequi & longum esset, & nequaquam mei instituti. Multo etiam minus operæ- pretium esse puto, commemorare quomodo in exponendis quarundam figurarum nominibus Græca lingua abusi sint, aut de

Græca lingua mentiti sint : veluti quum *ar-chaifmon* quidam tradiderunt à Græcis apellari nihil aliud quam vbi præpositioni casus unus pro alio datur: alii verò eos acerri- niè reprehendentes, qui ita nominis *ἀρχαιοσ* significationem restringerent, addide-runt, idem etiam significare quod solœco-phanes. Talia, inquam, persequi, mihi propositum non est, de iis lectorem monuis-se contento. Hoc igitur caput claudam, si ei pauca tantum de cuiusdam figuræ no-mine addidero: ea nimirum quæ à quibus-dam *cacophaton* ab aliis *cacephaton* appella-tur. Quum enim à quibusdam scriptoribus Græcis, ex iis etiam quorum non parua esse debet autoritas, videam figuram illam *κα-κέμφατον* appellari, non *κακόφατον*, nec *κα-κίφατον*, vereri me dico ne vbi *cacephaton* apud veteres græmaticos legimus, litera *M* omissa scriptum sit pro *cacemphaton*. At illi qui hanc scripturam *cacephaton* suspectam quidem habuerunt, sed quomodo emen-danda esset, non animaduerterunt, eam in *cacophaton* fortasse mutauerunt. Sed penes veracia exemplaria (sicubi ea latent) fides e-sto: ego interim cautius & tutius loquutum me putabo, quum eorum exéplo quorum memini, *cacemphaton* dicam.



*De aliis vocabulis Græcis, in quibus
non circa scripturam, sed circa
significationem peccatur.*

C A P. VIII.

SIGNIFICATIONES etiam tribui nonnullis vocabulis Græcis in lingua Latina, quæ ab illis sunt alienissimæ, ex posteriori præcedētis capititis parte notum iam lectori esse potuit, præsertimque ex vocibus illis *dialogismus* & *diabole*. Sed ut ad īsig-
gniora huius erroris exempla veniam, vel illa vox omnium ore trita *Elenchus* quo-
modo, obsecro, id significare potest quod plerique omnes ea significari volunt? *Elen-
chus eorum quæ hoc libro continentur*. Quis eos docuit vocem ἐλέγχος talem vsum ha-
bere? At fortassis vox *elenchus* licet à Græcis profecta, apud Latinos tamen peculiarem quandam significationem habet: dicet quispiam. Nimirum si Latini sunt quicunque voce ista sic vtuntur hodie, apud Latinos aliū quempiam quām apud Græcos vsum habere dicendum est: sed ne illi quidem hunc titulum sibi arrogabunt. Huic autem errori non originem quidem sed autorita-

tem dederunt verba Hermolai. Is enim postquam suis in Plinium castigationibus dixit, in omnibus vetustis exemplaribus continuò post præfationem verba hæc legi, *C. Plini Secūdi historiarum mundi elenchos librorum omnium triginta septē, liber unus, qui primus*: hæc annotat, *Est autem elēchos Græcē, idem fere quod σύλλαβος (id est, ut in epistolis ad Atticum scribit Cicero, quasi comprehensio: sed Latine index) διποτόν ελέγχειν, quod significat arguere ac patefacere. id quod solent indices, ab indicando nominati.* Scilicet verò tanta esse horum exemplarium debbat autoritas, deinde etiam Hermolai, nimirum se illis credulū præbētis, vt nūquām ista vocabuli huius significatio in dubiū vocaretur. Atqui in illis reperitur etiā verbum *explicit*, oppositum verbo *incipit*: vt, *Explicit Plini historiarum mūdi liber primus, incipit secūdus.* Sic in Terentianis, *Explicit Andria Terentij, incipit Eunuchus.* Ergo & verbum Explicit locū in Latina lingua habere debebit: quum tamen minimè Latinum esse cōstet, quanuis à Latino sermone ortum: sed explicitum librum Martialis, explicitum tractatum Vlpianus dicat, finitum significans, seu absolutum. Atque vt de verbo *explicit* taceam, cur non potius de *prōptum* eadem ratione ex Terentianis exem-

plaribus nomen *periocha* in Latinam lingua introducunt? Ad Hermolaū verò quod attinet, is cautius de verbi ἐλέγχειν significatione loquitus est, quām quidam, qui, dum ad illam nominis elēchus significationem falso receptam respicerent, scripsierunt verbum illud interdum esse Inuestigare: ideoque aptè indicē libri appellari elenchū, quoniam adminiculo indicis inuestigatur loci. Evidem simulatque didicero ἐλέγχειν esse interdum Inuestigare, illi vocis *elenchus* significationi & ipse assentiar, ac palinodiam canere incipiam. ut nimirum elenchus dicitur quasi Inuestigatio, seu Inuestigatoriū: eadem ratione qua crassiore seculo dicebatur Reperitorium. Fatemur (dicent nonnulli docti viri: nam & ex eorū numero quosdā esse scio qui hīc errorem nolint vel potius non possint agnoscere) ἐλέγχειν falso exponi Inuestigare: sed potest significare Ostendere: eodem modo quo Maro verbo Arguit, quod est ἐλέγχει, usus est pro Ostendit, Patefacit, Prodit: ubi dixit, *-degeneres animos timor arguit.* At ego hoc primū ex iis scire velim, cur potius ex loco Virgilii velint Græcę voci usum hūc astruere, quām eum verbali nomini Latino illius verbi quo Maro usus est, tribuere. ut nimirum argu-

mentum , ab arguendo , id est ostendendo & patefaciendo , appellant quod elenchum nunc vocant . Quòd si alias iam significations datas esse illi nomini Argumentum respondeant , itidem ego ἔλεγχος suas iam significations habere , & nouæ cuipiā locum minimè reliectum esse dicam . Esto enim , Maronem ita vsum esse verbo argere (qui vsus minimè peculiaris illi est : quum Horatius dixerit eodem modo , *amantem languor & silentium arguit* : & Naso , *genus arguitur vultu* , item *virtus arguitur malis* : & ab hac significazione argumentum dicatur itidē pro indicio) esto etiam Latinos in illa significazione respexisse ad Græcū ἔλεγχον , & imitari ipsum voluisse : quid : quum & verbum πατησεῖν hanc ipsam significationem alicubi habere comperiatur , quam & ἔλεγχον habet , nōnne eadem ratione indicē libri , sicut ἔλεγχον , ita etiam πατησεῖν aut πατησέμα vocare possemus ? Ignoscat mihi lector si ad hæc ἄποπα aduersarios meos compello , quum hac ratione facilius eos mihi manus datus sperem . Et quantu[m] hunc sermonem iam nimis prolixū esse videā , duo tamen ei adiicienda sunt . Vnum est : ex illa quam dixi verbi πατησεῖν significacione (cuius exempla Thesaurus meus suggeret

suggerer) colligi posse fortassis, verbū ἐλέγχω
itidē non esse prima significatione Ostēdo,
siue Arguo pro Ostēdo: atq; adeò nō simpli-
citer esse Ostēdo, sed Conuincendo ostēdo.
vt αὐτὸν ἡλεγχεῖ φύσην ὄντα, Ipsum cōuincē-
do ostendit esse mendacem. Vel, Ita cōuicit
ut mēdacom esse ostēderit. Deinde, etiamsi
ἐλέγχω esset simpliciter Ostēdo, cur ἐλεγχος
potius cā significationē haberet quām δεῖ-
μα: quod ab eo verbo est quo significari sim-
pliciter Ostendo, nullus est qui nō fateatur.

*De rhapsodia autem & quibusdam aliis
in proximè sequente capite dicetur.*



*De aliis vocibus variis, in quibus partim su-
perior ille in significatione, partim aliis,
& quidem variis, cernitur Græcæ linguae
abusus.* C A P. IX.

Ex i i s q u i nōnullis Græcæ linguae
vocabulis Latino sermoni immixtis
sunt abusi, alii tanquam in tenebris errarūt,
vt pote qui nullam eius cognitionem habe-
rēt: alii (vt antea dixi) præludentē sibi gram-
maticen, atque ipsum vsum, loquendi m-
gistrum, cōtempserunt, & ὑπὲρ τὰ ἐσκατ-

μὴν δὲ non viderunt. Quanuis autē illi errores de quibus in prima huius libri parte dissērui, crassi sint, ideoque illi Græcæ linguæ ignorationi imputandi videri possint: sunt tamen ex illis quoque nonnulli quos & peritissimi sermonis illius per imprudentiam commiserunt & committunt. Possentque illis addi & alii, in quorū nonnullos quum homines sermonis illius non ignoros incidisse certò sciam, tamē id me dicentem vix impetraturum fidem spero. Tale est, *epitoma, epitomatis.* quis enim olim tale verbū ex ore alicuius hominis profectum fuisse putet qui grammaticen Græcam vel à limine (quod aiunt) salutasset? & tamen ita se res habet. Sed de erroribus eiusmodi in prima huius libri parte dicere contentus fui: at illi de quibus postea tractavi, neccnon ii de quibus nunc sum tractaturus, ab illis sunt diuersi. An autē quædā hic pro erroribus habeam, quæ contrà emendatè dicantur, lectorum esto iudicium, eorum quidem certè qui & longo vsu linguā Græcam callēt, & errorem suum ingenuè fateri quām ei patrocinando tergiuersari malunt.

Theſaurarius & Bibliothecarius, vocabula sunt ex Græcis quidē nominibus facta, *thesaurus & bibliotheca*: sed iniuriam nos Græ-

co sermoni facere puto quum talem eius vocabulis terminationem affluimus : quāsi verò ipsa , sine Latinæ adminiculo , eadem illa exprimere non possit : quum in promptu sint ei θησαυροφύλαξ & βιβλιοθηκοφύλαξ . Eiusdem cum illis duobus fārinę est *Apocrifarius* , quod quidam maiorum nostrorū seculo de pōtificiis legatis usurparūt.

Quidam verò aliter hasce duas linguas miscent , vocabulū vnum ex duobus , Græco & Latino , conflātes: perinde acsi id ubique facere liceat , aut etiam fieri commodè possit. Horum autem in numero ponendi sunt qui *monoculus* in Latinum sermonem inuexerūt , vel potius inuehere conati sunt. Neque tamen ignoro quædā Latinos usurpare quæ ex suo & Græco vocabulo essent composita , & quorundam à Fabio etiam mentionē fieri: sed eorū alia est ratio. Neq; pro illis facit *pultiphagus* , aut tale aliquod à iocante comœdia excogitatum verbum.

De lingua Græca malè mereri videntur & qui vocabulum aliquod Græcum legi Latini sermonis seruire cogunt : veluti qui *incredulissimus* dicunt. Malè etiam mereri de illa puto eos qui voci cuiquam Græcæ in Latino sermone formam tribuunt quam in suo nō haberet: licet ibi nonnullæ eam habeant.

Cuiusmodi est *Stoicidae*. quis enim *Stoici* patronymici formam assumere posse credat apud Latinos , quum id illi & aliis id genus in Græca lingua sit negatum ?

Sunt verò & qui vsum quorundam Græcorum in Latina lingua extēdere latius volunt, quām in Græca extenditur. Veluti qui passim *Metricus sermo* vel *Metrica oratio* dicunt. Nā μέτρον quidē est versus seu carmē, sed μετρικὸν λόγον ne ipsi quidē Græci dicūt, quod sciam: quū alioqui huius adiectiui aliquē in vtraq; lingua esse vsum non inficier.

Qui verò *dīctam* in ea significatione dixerunt qua Gallicus sermo interdum vtitur αὐτίασ (quum dicit faire dīcte) multo etiam grauius peccasse dici possunt : atque ita nouam significationem huic Græco vocabulo dedisse, vt simul eā quā apud Græcos habet restringerent : quum δίκη exigit quidem αστίας interdum , sed & alia plurima. Neq; hīc omittēdi qui *rhapsodiā* pro farragine dicūt. Sūt etiā qui *scholia* non vocāt, nec vocāda putāt, nisi quæ sunt breuiter in scriptorem quempiam annotata : quum tamen nusquam apud Græcos χόλια ita restringi animaduerterim. Ex quodam Ciceronis loco in epist. ad Atticum videtur hæc opinio initium sumpsisse. Esto verò, *scholiā*

à Cicerone ibi dici de commentatiuncula quapiam : an propterea *χόλια* iustum commentationem significare non possunt? Nisi forte qui ita sentiunt , dicant Latinis placuisse hunc illius vocabuli vsum coarctare, vt contrà nominis *scholæ* significationē dilatare. Sed huius exēpla mihi sunt in promptu, illius desidero. Et quoniam in huius vocabuli mentionem incidi, addam aliquid & de vſu vocis *gymnasium*, non eos qui pro schola seu ludo literario usurpat, damnaturus (vt à quibusdam damnari scio) sed contrà defensurus. Nam me quoque memini de hoc vocabuli istius vſu aliquando fuisse reprehensum. Sciant igitur gymnasium ita de schola posse dici per metaphoram, vt si quis literariam palæstram eam vocaret: & Tullium ita vſum esse cū alibi, tum in iis quæ Paradoxis est præfatus , *Ego autē illa ipsa quæ vix in gymnasiiς & in otio Stoici probant, ludens conieci in communes locos.*

Quidam pro substantiuis adiectiuia usurparūt: vt qui autorē eius operis quod ἐπυμολογίαν dicitur , appellat *etymologicum*, quū vocare debeat *etymologū*. licet & ipse alios in appellatione illa per imprudētiām aliquādo sequutus sim. Differant saltē necesse est illa quantum ῥῆτωρ & ῥητορικὴ differūt. Vicis-

sim autem substantiis quidam male adiectiuorum locum tribuunt. Sed Erasmus quoties *phasides* aues dicit pro phasianis, errorum hunc alio cumulat : quoniam hic adiectiuum à substantiui significatione longè recedit.

Nonnulli verò in quibusdam vocibus quæ affinitatem inter se habent (saltē quod ad scripturam attinet) grauius etiam peccat. Atque hic ob ea quæ modò dixi de autore operis quod etymologicum vocatur, recordor tituli libri cuiusdam in quo multi propter illam vicinitatem falluntur : qui nimirum Clementis *spāματα* vocant eos libros qui *spāματης* dici debent, ut & ab eo inscripti fuerunt. Quām autem vicinæ sunt hæ scripturæ, tam sunt significationes remotæ. Aliquot tamen locis idem peccatum & ipse typographus admisit. De alio erroris genere hic monebo , valde quidem diuerso, sed tamen itidem ad titulos librorum pertinente. Is est eorum qui, vbi duo nomina alicui scriptori dantur, quorum alterum est patris , vtrumque vni eidēmque tribuunt. Sic male *Eusebius Pamphilus* ab omnibus appellatur, qui *Eusebius Pamphili* vel potius *Pāphili filius* vocari debet : Εὐσέβιος ὁ Παφίλης. Sic *Hermeas Sozomenus*, qui dici debet

Hermeas Sozomeni filius, Ερμέας ὁ Σωζόμηνος. Sed qui Εὐστέρις τῷ Παμφίλῳ & Ερμείου τῷ Σωζόμηνῳ legerunt, nō animaduerterunt more Græco subaudiri debere γά.

Fuerūt & qui vocabula quædam, Græcæ quidem, sed in aliam terminationem transformata, in suā Latinam linguam inuexe-rūt: veluti qui ex νεώτερος fecerūt *neotericus*. Donec enim id apud quempiā scriptorem Græcum, eūmque ἀξιόπιστον, inuenerim, aliud mihi de vocabulo isto persuadere non potero. Sic verò quidam ex τύμβος fecerunt *tuba*. vt hīc, -*exigua est hæc mihi tuba satis*. Sic in isto versu, *Tumba brenis Priami heros*. Nescias certè sitne à Græco τύμβος, an à Gallico *tumbe*: quo significatur itidem τύμβος, idque foeminino itidem genere. At verò nomē *monoculus*, cuius antea mentionem feci, primam tantum sui partē Græcæ linguae debet.

Vt autē verba quædā in Latinū sermo-nē inuecta fuerūt ex Græcis facta, sed priscis tamen Latinis incognita: ita vicissim quidā verbū ex Græco factū, & iam olim ab ipso Terentio usurpatū, è Latinitatis finibus expellere conati sunt, in ea quidē certè significatione qua hic comicus usus est. Quum enim ita in extrema Eunucho ille scripserit,

*-at ego pro isto Phædria & tu Chærea
Hunc comedendum & deridendum vo-
bis propino:*

quidam *propino* in *præbeo* mutauerunt. Sed quanuis eius & ingenium & iudicium qui mutationis huius autor extitit , plurimi faciam,& quanuis ad quasdam quas affert rationes, autoritatem librorum aliquot veterum adiungat, nunquam hæc *καγυοτομία* mihi placuit. Quo lubentius vidi verbum *propino* in suam sedem repositum à doctissimo & diligètissimo viro, Gabriele Faerno. Lubéter etiam legi hāc eius annotationem, qua veteris lectionis velut assertorē & vindicem se præbet. *Recentissimus quisque & pessimus liber*, *præbeo* : *Bembinus verò & omnes aliij antiqui*, *propino* *habent* : *ut in lectione vulgata*. Ita & *Donatus* : *qui dicit Gnathonem facetè sic dixisse*, *ut parasitum*, & *ut qui de conuiuio loqueretur*. Atqui si *dixisset*, *deridendum præbeo*, *quid faceti esset in dicto?* Nec *versui propterea timendū*, quod *propino primam corripiat*. nā & eandem producit *Martialis* . Subiungit autem quatuor *Martialis* locos quibus id cōfirmat.

s v n t porro & vocabula quædā Græca in vulgarem linguam Latinam , id est, eam qua hodie vulgus vtitur (de ea enim à

D E A B V S V L I N G. G.R. 105

me institutus est sermo) non aliunde quàm ex theologicis scriptis profecta: quæ ideo nō alibi quàm in scriptionibus ad theologiam seu ad Christianam religionem pertinentibus locum habere videntur. Incipiam autem à vocabulo *hypocrita*, quod ex ipso Euangeliō manauit: & Gallico sermoni (dicensi *hypocrite*, mutata duntaxat terminatio) nō minus familiare est quàm si Gallicū esset. Evidē per necessariū esse fateor hoc verbum, quum eiusmodi sit ut eo vix carere possimus: hoc præsertim seculo, quo frequenter in huiusmodi homines incidimus, adeo ut eorū sæpe facienda sit métio. Eo vix posse nos carere dico, quoniam alioqui verborum aliquot periphrasi id circuloqui necesse est quod uno exprimimus: & quidē pluribus malè exprimere, quod unico significanter dicimus. Nam pro *hypocrita* si quis dicat Homo simulatus, illis non satisfaciet qui vocis illius vim intelligūt: præterquam quod Latinus esse videtur, Homo simulatio ingenio. Quod si quis illa Salustii verba huc accommodare velit, *Qui aliud clausum in pectore, aliud in lingua prop̄tum habet*, ne hac quidē lōgiuscula periphrasi vim illius nominis assūquetur. quia nō quævis simulatio, sed virtutis alicuius simulatio voce illa declaratur. Ideoque interrogatus quid Latinè dici

posset quod voci illi responderet , nihil ex-cogitare aptius potui quām Simulator virtutis: sic tamē vt faterer latius etiam patere interdum hæc verba quām pateat Gallicè *hypocrite*: ob generale nomen virtutis. quoniā interdum dicitur de eo qui, vt quodpiā vitiū tegat, virtutem aliquam ei vitio contrariam simulat & præ se fert. Possint fortassis ad exprimendam vim huius vocabuli aptari & verba quibus Cicero in vertendo quodam Platonis loco vtitur: vt nimirum sint hypocritæ, Qui quum maximè fallūt, id agunt vt boni viri esse videātur. Verūm hoc de quibusdā tātūm. quia nō omnes hypocritæ illis fallaciis gaudent, sed solum siquod aliud vitium illis inest, conātur tegere & dis-simulare. adeo vt quoddam hypocitarum genus hoc etiā versu describi, dicturi meritò simus, *Qui Curios simulant & bacchanalia viuunt.* Quāuis autē tantopere nobis labrandum sit in eo exprimendo quod totum vna voce illa significare possumus , tamen non video quomodo nobis ea vti in aliis quām iis quos dixi locis liceat : vt nimirum eò vnde prodiit reuertatur.

Iam verò quemadmodum *hypocrita*, *τροπευτής*, alium vsum in Euāgelicis habet scriptis quām eum qui paſſim apud scripto-

res Græcos inuenitur, (sicut nimirum ἡ-
γείρεσθαι aliud Homero & Herodoto quām
eorum posteris significat) ita etiam parabo-
la, παραβολή. quum *parabola*, παραβολή,
nō sit ibi cōparatio seu similitudo simplici-
ter, sed ænigmatica quædam cōparatio vel
allegorica, aut etiam ænigma seu allegoria.
Retinent Galli talem vocis illius vsum, quū
dicunt *Parler par paraboles*. Ex quo per de-
prauationē factum fuit *phariboles*: sic tamē
vt simul immutatam aliquantum significa-
tionem habeat. In hoc autem nominis *pa-
rabola* vsu eadem cautione vtendum fuerit
qua & in illo nominis *hypocrita*.

Quædā sunt alia vocabula in Latinum
theologorum sermonem ex Græco intro-
ducta: quæ tantum abest vt tantos autores
habeant, vt vix inuenire possint fortasse
qua se autoritate tueri queant. Sed de illis,
& aliis quæ nunc persequi nō vacat, quinetiam
de iis quæ in quantitate quarundam
vocum è Græco sermone sumptarum pec-
cantur, aliás, Deo fauente, à me dicetur.



Ob, 6, II, 3438

Ob. 6, II, 3438 - 3440





